

零陵縣志卷九

忠義

唐

唐世旻字昌圖先世太原徙家零陵素驍勇狀貌英偉眼環齒露唐昭宗時黃巢寇起世旻團結鄉兵保安閭里劉建鋒舉爲零陵刺史光化初馬殷據楚命李瑋攻永世旻力戰城陷死之民感其義祠於城內東山祈禱不絕春秋官致祭焉咸豐九年粵寇圍城神威助佑城賴以完當事題請

勅封普應仁澤王今南鄉唐姓皆其裔廟祀尤盛

宋

張樞字子發東鄉人慷慨有大志善屬文宣和六年特賜零陵縣志

卷九

人物 忠義

一

進士紹興中上書言孟后事

陳邁字亨伯其先自江甯遷零陵以上舍登進士知辛縣雍邱有治蹟馮京魏尹交薦於徽宗擢廣西運判蔡京啟蠻地邁言兆釁不便忤京罷歸旋知商州興元府入爲曹郎給事中使陝西河北漕進修撰爲發運使加直龍圖閣經制七路籌討方臘開杭州河渠進延康殿學士歷知中山真定河間諸府欽宗時改資政殿學士知中山金人再至邁冒圍入城捍守詔康王領天下大元帥邁爲兵馬元帥半年無援京師告陷邁弟光祿卿適至臨城諭 旨邁遙語曰主辱臣死吾兄弟平居以名義自處詎賣國乎適泣曰兄但盡力勿以弟爲念邁呼總管括兵出擊總管辭卽斬以徇命將沙振拒敵振抗不往懼誅衷刃入府害邁

及其子錫並僕妾十七人長子鉅官淮南獲免帳下卒噪曰汝安得殺吾父執振摔裂之金人入見其屍曰此南朝忠臣也殮而葬諸鐵柱寺建炎初贈特進通志作贈太傅並贈也邁孝友寬厚任部刺史二十餘年每出郡邑必焚香告天願不逢貪污吏薦王安中呂頤浩張愨謝克家世稱知人適由開封少尹至光祿卿被繫以北後死於雲

明中

胡節字國信號同菴居城南宏治十五年進士任行人遷江西道御史風骨伉爽立朝敢言是時姦璫劉瑾擅權節與同列疏糾之瑾銜入骨未幾出按山東瑾於巡使復命例索銀三千兩節在東潔已盡職擢節俸資有餘悉付筦

零陵縣志

卷九

人物

忠義

二

庫志不媚璫瑾偵其隱甚怒會張綵喉瑾飾廉潔以謝天下遂使緹騎張吉逮節赴京沒其藏反坐以斂銀餽送之罪節抗疏並條瑾罪惡上之凡十三俱為瑾匿矯旨下之錦衣獄榜掠幾死門人翰林溫仁和伏榻問曰曾有人進藥否曰有胡僧贈我以膏仁和驚仆節訝之仁和泣曰向者胡僧乃闖黨也膏入鳩毒公其休矣節曰幸矣我盡言而死然生不能除國大患惟有一死尚可存神以白上帝默啟聖明以禡奸魄社稷無隕雖死不憾也語畢而逝世宗登極憫其忠而受誣贈光祿寺少卿遣官諭祭廕長孫大順入監從祀鄉賢

陳純德字靜生號澹元生而孝友仁及戚里年未冠以文質守道鄒學柱即曰為方正學一流人嘗赴省試泊漏庭

遇盜躍入水中再躍抵沙渚得不死久躡塲屋崇禎十二年始舉於鄉明年成進士年已老矣廷試二甲召對稱旨授福建道御史巡東城蘆溝臺長劉忠端李忠文深知其賢巡按山西見部民凍餒狀亟請卹力爲籌濟並疏陳抽練之弊兵散餉糜利在將帥上然之勢不能用值賊警河上與巡撫蔡忠襄協力捍賊親冒風雪督開河冰數百里籌晉陽邊備於天門浚井等關作堡堞以衛民賊乃卻復命督學畿輔方考易門聞都城警星馳入援馬上猶草募將勤王疏甫至都城陷得帝凶問走諭德馬文忠寓相持大哭遂還邸作書別二親諭弟純恕子才偉善盡孝養家僮泣阻純德不顧執筆作楷神色安定書畢命卽持報遂北面再拜自經年五十有一甲申二十二君子光南楚者

零陵縣志

卷九

人物 忠義

三

一人而已宏光朝謚恭節贈太僕寺卿入祀鄉賢順治十年京山秦嘉系積館修爲營葬於永定門外之邊村卽石榴莊

立石表墓 章皇帝 賜謚忠潔並給祀田乾隆間復

賜謚節愍邑城立有專祠春秋官祭近又祀之忠孝祠永人爲建祠京師後裔刻年譜及殉難錄遺著家書皆附傳焉純恕字行一庠生事親愉孝事兄如嚴師爲文豪宕不拘行墨守身甚謹兄官京師鄉人爭求交介弟謝卻之幅巾布衣足不輕入城市癸未流寇陷永步走粵西乞總兵楊國威出師恢復鼎革後益務韜晦所作多不傳才偉字集虛庠生能率義訓嚴然自立殉節報至哀痛中曲慰祖父母以釋遺憾其操心苦矣家居考訂古今典故爲事接人和藹咸謂忠潔有子云

附錄殉難家報庚辰男仗父母洪福幸獲南宮隨蒙欽授山西

御史自入仕以來信心信理不敢一毫苟且山右至今有
頌聲但緣時事多艱三月十九日都城破男食君之祿義
當死節永用永興永安三月十九日都城破男食君之祿義
於來世而巳晚自盡忠孝不能兩全父母俱勞之思願矢報
望暨各至親知已不及裁候統為申賢壻俱存心做好人是
可善視之列位祖父母不必痛念才偉萬不可言奔喪三月
二日十日男純德薰沐具報不違具報家書吾兒學問想
我舉觴稱慶至爾母焚黃須問前輩依禮行之不可草
率浪聞寇過粵西或云未至心甚懸切着心寄信與鄉里
一切切至佃戶鄉愚尤宜體恤與人居官不輕准一詞不妄取
盡秋毫子孫豈有餘地哉爾父居官所賚綸封最宜養重
一上文勿望子孫豈有餘地哉爾父居官所賚綸封最宜養重
上生官一節崇禎甲申難逃今白骨未瘞忠魂無歸陳澹元
士在師節永州會館之荒園見者聞者莫不悲悼先生死
且吞聲何須葬又忍不葬也嗟乎冷風白露衰草寒泉
雖吞聲何須葬又忍不葬也嗟乎冷風白露衰草寒泉
數干里或黃壤忠貞豈歸葬是以前年暴骨於茲今聖恩
浩蕩旌前朝死節之臣又詔掩骸埋齒以澤及枯骨余居
旅館與土因捐金購地於永定門外吾楚郭惟明祖塋之
封棺之土因捐金購地於永定門外吾楚郭惟明祖塋之

零陵縣志

卷九

人物忠義

四

傍以為先生春秋窳若先生長葬於此墟墓之間使人
憐其忠若先生有子後來乞骸骨復歸邱首又使人傳其
節九原可作咸有卞忠貞公之思矣附記公縊於會館暉
四月二日十五日置地卜葬撰文勒石附記公縊於會館暉
照臺側椿樹下至嘉慶王戌此樹猶存忽一日狂風折仆
四圍皆屋竟落空巷一無所傷而堂中奉二關帝像俱出
位排立香桌上若
相送然感泣其異

唐周慈字穉純元名虞一曲河人幼稱奇童及長有志聖

學志氣慷慨時萬督部元吉為推官甚器之遂與易三接

輩朝夕講學宗王陽明嘗徒步走麻城訪鄒南皋門人蕭

繼忠畱一年歸大有心得崇禎癸未獻賊亂湖南永州失

守周慈倡率忠義走粵乞師恢復丙戌唐王在閩萬元吉

號召七省駐兵虔臺周慈偕繼忠往見畱佐軍幕承制署

贛州倅委司糧餉尋奏授監軍御史六月滇粵爭以兵應

欲進戰元吉命俟水軍王其宏與周慈諫曰水師羅明受

本海盜難制且今水涸舟阻豈能如約不聽未幾明受果
遁而諸軍散潰城內外僅存兵數千十月初天霧雨雪贛
城夜破萬與周慈死於贛江 國朝嘉慶中零陵令宗霈
曾鈺先後上其事大吏入告得 旨予祀鄉賢鈺率邑人
士於城南尊忠孝祠與忠潔並祀其後裔刻遺集殘編附
之殉節錄族叔銘武生拳勇善射見流寇猖獗志欲匡王
入粵西營積勞授都司僉書崇禎癸未祁藩爲民所逐奔
粵叛民疑匿邑城遂圍之銘時赴粵署郡守吳晉錫邀還
同擊之乃解圍去邑賴以安

劉興秀字振賢一字贊明零陵籍廬陵人天啟五年進士
初授常州推官時魏璫禍熾東南首被其毒江陰繆昌期
爲興秀座主授命時經紀後事甚力吳縣周順昌被逮操

零陵縣志

卷九

人物

忠義

五

舟迎勞賃金助贖武進孫慎行遣戍詣府求牒執手絮語
謀緩其行而高攀龍正命投淵之後存卹尤厚人或危之
曰吾知吾師與吾友而已他何恤焉事載文震孟集中以
行取晉臺中掌廣東道巡按江北諸郡又接近畿懲貪鋤
猾無敢撓其法者崇禎九年奉旨清理屯田不避勢要復
命召對溫慰十年臨藍山寇爲患疏請調粵西狼兵平寇
時疏起會櫻安戢永州櫻至又薦起晏日曙萬元吉治郡
事尋遭內外艱歸遂不復起國變後心在故國何騰蛟攻
永州興秀密啟之永人困圍城中漸疑釁由興秀竟以除
內應爲眾所害其心最苦其遇最慘可謂孤忠矣

國朝

周才盛節孝湯氏子也鼎革後離居蕩遷苦志積學爲邑

廩生康熙己未吳三桂餘黨肆鈔掠才盛時依沙泊町外
舅湯氏居團鄉人共保一村實總其事部署有規條其違
不聽者數其失而杖之眾皆帖然受約束而賊亦不敢犯
數月後大兵平定始散村中人至今傳之

趙福由行伍拔武岡營把總乾隆三十八年從征兩金川
攻卞立葉賊碉大帥喜其勇獎以甲明年隨將軍阿桂攻
喇嘛寺始賞行營千總前後四十餘戰凱撤論攻克格隆
古功加等記功嗣補千總六十年從總督福康安征苗陞
鎮筓營守備檄禦綠溪口要隘賊三道並至福率所部百
人拒戰三晝夜苗眾我寡連環燒紅熾不能發福創甚殊
死戰力竭而援兵未及濟遂死於江事聞勅部照都司
例予卹祀昭忠長子心梅襲雲騎尉未幾卒以次子昇泰

零陵縣志

卷九

人物

忠義

六

襲歷任永營守備

王名望字遠有父文忠廣西參將名望幼讀書知大義由
行伍累拔至直隸沿河口都司嘉慶元年徵發從勦川省
白蓮教賊匪明年冬禦賊於營山縣奮力死戰身受重創
遂沒於陣事聞恩與世襲祀昭忠子燭襲雲騎尉燭卒
孫坤繼襲

楊世順唐得勝喬三德唐世龍王士德鄧應榜吉興文胡
士明安成龍劉安會陞陳大龍陳文魁唐爾清陳大正陳
得元譚順顧成明陳正綱何士明何宜興鄧奇詩楊士元
以上營兵乾隆三十七年至四十年出師金川陣亡

王時聘趙升張永福楊燦桑河何世忠王正賢劉鎮芳成
大勇王士科卓永陞唐才禮以上營兵乾隆六十年出師

鎮守征苗陣亡

周世倫千總嘉慶元年湖北陣亡

胡萬順牛玉堂易成喜劉應林蔣道國湯炳秀趙正發

文煥以上營兵嘉慶元年征教匪陣亡

以上舊編

王治溥號博泉丁酉拔貢以直隸州州判籤發廣東道光

二十年洋煙禁嚴十三洋行所積不可數計嘆夷挾刃往

來勢莫能制總督林文忠則徐令監搜多畏避者溥獨奮

身督兵往獲數萬觔火之既嘆夷銜憤入寇香港虎門一

帶夷船相接尋舉眾圍城時楊果勇侯芳主兵事屬溥參

預芳起巡城溥隨之巨礮轟烈城勢動搖芳懼不可為欲

自盡溥急前曰公軍民所倚也若此如百姓何移時寇退

論功免補本班以應陞缺陞用二十二年署德慶州州當

零陵縣志

卷九

人物 忠義

七

江西之衝盛夏大雨江水涌溢城郭成巨浸居民避居高

阜飢不得食溥乃督率吏卒排火器擊之若厭勝然水乃

退二十五年署揭陽縣有戴毓祥者冒三合會曾亞三名

與潮陽王悟空等設會壇城鄉約百十所潮揭普甯諸邑

富族搢紳下逮胥隸莫非其徒號雙刀會殺掠無虛日前

官未能治溥至將捕緝之毓祥等因揚言且糾眾攻城劫

獄當是時城守兵不過數十人自募勇二百人而已眾倉

皇失措而城中與會者又疑懼不安溥乃草檄數十榜通

衢意殄渠魁賁舊從者並獲會簿悉焚之於是城中歡聲

雷動明日溥以事出夜久未歸眾懼其罹賊也相率手一

械一燈至數十里外迎入於是溥知民可用乃令曰戶出

一丁石一囊各持械守陴又伐巨竹為竹將軍百十具遂

嚴陣以俟十一月某日黎明賊至時大霧四塞戈馬聲自遠而近彼此不相睹城上礮聲火光震盪閃鑠賊畏不敢犯比夜復攻城城上矢石如雨竹將軍亦一時迸發殲賊無數遂潰事後忽奉臺檄云城中陳氏者實款賊溥曰陳係巨族前此修葺城垣已捐費三千金急公嚮義豈從賊者爲力辨之事遂寢然陳氏固不知也事平補海陽知縣縣瀕海隄工爲要自道光十三年前令借公帑數萬假民生息資歲修日久不能償每年縣胥追呼迫至溥憫焉爲捐養廉償之民無所苦咸豐三年奉檄勦東莞土寇寇眾聚鐵岡司馬鄉溥率兵往連戰皆捷時忽病劇幾不起越數日稍瘥卽進戰身先士卒大呼跳蕩賊眾披靡溥追北遇伏又病後鏖戰久力竭遂被害時咸豐三年九月十三

零陵縣志

卷九

人物 忠義

八

日也所部多散亡獨僕戴興狗馬事聞迨 贈中憲大夫入祀廣州永州府昭忠祠給雲騎尉世襲三代恩騎尉世襲罔替

鄧興松字鶴巢樂郊里人道光二十九年隨勦賊新甯有功賞給八品咸豐三年粵逆圍湖北省城興松與防禦城陷死之

唐光照黃裳子也任海防同知咸豐三年衡陽常大醜巡撫湖北以光照能 奏陞武昌道旣抵任而粵逆至城陷死之

楊建嵐隆慶里大樹脚人咸豐二年粵賊犯境被執欲挾作鄉導搜取諸富室金錢不從遂被害

呂至貴右營把總咸豐三年道州四广橋陣亡

唐德陞西鄉巖頭人由行伍歷任道州臨武千總後隨文正國藩勦江右賊積功擢都司 賞戴花翎咸豐六年

九月十七日率兵勦撫州賊死之子本林襲雲騎尉

唐榮光外委咸豐六年道州陣亡

李慶圓陝西慶羌營守備丹陽陣亡

蔣世坤上辛里人咸豐九年甯匪入境以罵賊死時年九十二傳者謂其死狀最慘毒然其詞色無稍回沮也請卹入昭忠祠

馬廷榮字春林進賢里人慷慨有氣節幼習詩書嘗從父國松莅嶺東營外委任遂隸伍籍遇事勇決饒智計一時曹輩無出其右者道光十二年搖逆趙金龍叛悍黨數千人廷榮領兵二百與戰破之敘勞授外委歷江華祁陽甯零陵縣志 卷九 人物 忠義 九

遠所在與士卒同甘苦眾樂爲用咸豐八年擢東安把總九年三月石達開黨竄永攻東安城陷死之事聞祀昭忠祠子登元襲雲騎尉

唐有文北鄉人性誠厚事嫡母生母皆以孝稱初其父以勤儉起家父沒與叔居叔有子四久之分析請叔五其產以四歸叔而已取一里黨賢之鄰有何三亮貧不能娶文貸錢完其事粵逆過境被執誘之罵不絕口遂遇害

陶玉春邑城人歲貢命胥弟也咸豐四年以行伍出征拔右營外委八年隨大軍勦賊廣西奮勇爭先所在有戰功九年石逆達開圍邑城奉檄馳回防江華縣城小而卑賊大隊立攻陷之玉春策馬巷戰殺傷極眾身亦被數十創賊縱以矛乃墜馬執之斫爲齏粉投於江聞者哀悼焉十

年三月奉 旨照外委例議卹

杜義敏字得義孝弟鄉車皮人少趨捷喜鬪以應募從征初隸湘鄉王鑫營薦至守備咸豐七年隨粵撫蔣益澧辦賊所向有功授都司九年義敏與分統胡海潮率千五百人躡勦逆酋劉鴻生等軍次與安賣猪嶺忽賊十數萬奄至合圍汲道斷絕士卒困憊不支敏率壯士數十手長矛大呼衝突擊殺甚眾以圍堅不得出力竭被執賊刖其兩足用長繩曳數里久乃斃割死之時年甫二十一也海潮同日殉里人思其忠烈爲祠祀之

鄧汝器府學生福田鄉李家橋人咸豐九年石逆入境汝器集鄉團堵勦眾寡不敵身受數鎗子創而死同時禦賊死者有縣學生劉燃乙啟煊鄉民蔡士博王朝錦吳錫玉

零陵縣志

卷九

人物 忠義

十

郭文球朱宏愷何成瑜成珊楊時富學朗劉高德喬士茂罵賊死者有府學生劉定垣山生劉采藻唐珠圓夫婦鄉民龍德寬唐世柏咸豐四年禦粵賊死者王氏一門則有宗遜宗道宗達譜昭明意譜瑄譜宣與俞興鄭譜定俱鄉民由零移居甯遠者

錢敬敷字子敬黃楊司人工詩文性剛果喜任事方粵寇入湖南東安席寶田嘗帥精毅營勦賊永寶等郡敬敷爲督理糧臺事敘從九咸豐十年十一月寶田屬統帶精毅右營明年四月賊陷宜章桂陽率所部從寶田擊復之擢縣丞 賞戴藍翎是年冬同收復會同進攻黔陽以功擬保遇缺卽補知縣加同知銜十一月十二日同勦賊黔陽追北至榆樹灣其地嶺崖峭削下臨深溪賊窮反鬪敬敷

躍馬衝突陷於淖賊競縱以矛身受十九創死時年四十二
二 詔贈同知銜卹如禮無子以兄五國子嗣

蕭逢漢號印江高溪司人幼機敏讀書目數行下清苦自厲寒暑不輟咸豐九年金陵洪秀全黨內亂僞翼王石達開由江西上圍寶慶驛傳梗塞全楚驚動漢曰中原鼎沸桑梓旦夕且不保理頭章句中奚以濟時艱哉遂仗劍詣劉統帥長佑營長佑與漢仲兄某雅舊素諗其名留幕中參預機宜漢時以計誘降僞大軍畧周羅漢石逆以失黨援解圍去敘勞以從九選用既石逆轉入廣西 朝廷卽以長佑撫其地時柳州府已陷賊踞城中而驍賊周德壁外爲犄角漢語長佑曰外援不絕卽柳州終不可拔某請單騎入周德營說降之翦賊羽翼長佑故持重又恐失漢零陵縣志

卷九

人物

忠義

十一

不允再三請許之遂率其親兵李良喜往留賊營十餘日反復開諭周德卽率所部降由是復柳州論功免選從九以主簿選用 賞戴藍翎時又簡德降卒分立德安兩營屬漢統之踰年以病歸居數月楚邊復警援黔統帥席寶田以書招就之數創賊一夕命士卒銜枚疾馳搗臨藍凌晨始達時天大霧礮聲四起賊茫不辨我軍多寡倉卒請降甫令薙髮而天開霽是役漢以八百人降賊數千論功授縣丞復從提督李續燾勦中州捻匪軍次信陽餉絕軍幾潰漢乃間道走光州請庫款濟之於是續燾偉其才凡軍事皆屬焉一日率百餘騎畧地與賊大隊遇漢倉卒麾將士殊死戰賊稍卻旋以長矛排牆而進勢甚凶猛漢左右衝盪擊殺十餘人以腹受創力不支躍馬返營是夜風

雨暴作帷幕盡拔創潰血溢注乃大呼殺賊殺賊而死時
同治元年七月二十七日也事聞予雲騎尉世襲罔替
錢蔚文同治三年從席寶田勦賊江西敘勞授鹽提舉銜
以縣丞選用四年秋師次信豐鐵石戰歿追贈道銜子
盛島議襲主簿

胡益志號尙齋北鄉郵亭墟人以勇丁積功至副將同治
五年隸粵撫蔣益澧麾下率千人勦南甯賊時官軍屢戰
敗賊勢張甚一日益志身帥數十騎直衝賊營手斬數十
人賊眾幾潰久之偵知我兵寡悉出搏戰以力竭援絕遇
害寇退始拾遺骸殮之先是益志有宗人高志者嘗隸其
下爲軍鋒予五百人令領之高志狡悍無行益志不知也
一日以假歸屬代領其軍高志遂以計奪而據之比益志

零陵縣志

卷九

人物

忠義

三

返營無所復將請於益澧以本職補某缺高志並計錮之
不獲已反隸其下爲軍鋒所屬僅百人益志憤甚思立奇
功自見方攻南甯某砦益志率所屬冒矢石先登而高志
大軍故遲不繼賊見其無援力擊之馬創而蹶益志墜地
親兵某將掖而出高志令不許某泣逃去益志死之時同
治五年六月初八日也後高志竟階總兵以憂歸家居久
之見益志至驚而脅旋起入厠死焉其屍俯首長跪若囚
對簿狀人謂益志英爽昭應故如此

唐占玉遊擊銜蔣開典守備李太元都司銜俱北鄉人玉
典勦賊廣西陣亡太元剿賊某處遇害

唐文醅謝仁德道光二十一年廣東陣亡陳學祿咸豐元
年廣西永安州陣亡卿在廷劉惠迪鄭繼陞咸豐二年廣

西興安縣陣亡曾占得全玉陞桑啟太咸豐二年道州陣
亡熊學喜咸豐二年東安陣亡呂得勝潘得喜咸豐三年
道州四广橋陣亡盛紹林咸豐四年道州陣亡蔣洪吉鄭
開太羅鳳陞咸豐四年甯遠陣亡周章興楊錫齡孫茂盛
咸豐五年東安陣亡熊明亮咸豐五年盧州陣亡王恩溥
楊得珍呂大清曹連升趙連升陳福星黃正旺陳得亮余
得勝朱定勝咸豐六七八年江西金陵等處陣亡王先佑
咸豐十年金陵陣亡以上營兵
唐超富賢宏正朝增枝秦玉泰位泰賢生財二仔老晚李
三欽福官盤國寶玉剛玉滔兆寶廣喜尙銘有枝有武有
善福容方元宥興福禎福鳳劉仁帷仁遠黃鑾壩大崽正
思奉炳興文章學舜生相學柏文魁易老他唐亨金奉世
零陵縣志

卷九

人物 忠義

祥仁帷惟寬老曠生和惟益倫祥遠澗以上西鄉練勇均
咸豐五年三壇陣亡

儒林

宋

張紆字公飭號闡齋樞之從子也性高潔善屬文以闡明
正學爲己任嘗游於張浚門與棧爲友

吳倫字子常孝宗時人穎悟善屬文張棧帥江陵倫從受
業至易簣惟倫侍側棧告曰蟬蛻人欲之私春融天理之
妙倫佩其教

蔣復字汝行號澹崖幼嗜學博涉經史隱居東山介然有
守非其交不與也與吳倫同受業於張棧門著有澹崖遺
稿

嚴昌裔字慶會性沈靜張浚謫永州登門受業得聞誠一之學與杖相友善

謝致平字康谷建炎二年進士性敏博學有聲於時從學者眾席舍不能容至性孝謹人咸化之

唐人鑑字德明居瀟崖好學能文楊萬里始至即與納交一日萬里焚鑪問卜鑑以詩送之曰聞焚鑪香要決疑不疑何用卜蒼龜聖人自有韋編在進退存亡豈不知萬里歎服嘗築室植竹萬竿扁曰玉立齋

呂陟字升卿呂丕子也早登張浚門與杖游楊萬里爲零陵丞因督租過其里見之及歸郡守問曰所過知有人材否答曰青桂里得一呂升卿飽學之士宜招致鄉校領袖諸生後入仕再調常德錄事參軍南軒帥江陵廉漕適大零陵縣志

卷九

人物

儒林

古

比時命考試後累爲監司有聲

唐復字來復徹弟嘉定甲戌進士歷衡陽尉讀書務記覽善詞章受業呂祖謙之門學宗主敬故自號敬齋

樂韶字賡虞少穎悟十歲能屬文從唐復秉禮蹈義鄉黨稱之弱冠中進士授桃源尉

元

胡汝儒字居正黼之孫至元進士任教授歷官博士以道學爲政凡從游者每以稽古明理立法善俗爲言致仕家居足跡不履公門

鄧桂賢字國望少聰敏博學大德間任本路儒學除潭州路學正不赴官設館授徒講繹經義帖木兒嘗師事之延祐間編集永陽郡志鑄成祭樂器有功學校年八十終

明

胡真字彥實居郡東汝儒孫永樂庚子舉人任賓州學正學純行正生徒空乏者往往賞餼之遷南雍助教與多士講學不倦太學諸官惟真能殫其職陞重慶府同知以侍養乞歸居鄉闡明理學後輩尊事之子儼亦登賢書

陳達字兼善居城東景泰庚午鄉舉每計偕至京輒就正當世講理學者潛心體認得其旨要四方學者競師事之風範嚴峻不少假借見者肅然以文行倡蜀中儒風大振比於文翁當日居家訓子嘗曰人不可有害人心亦不可有自便心蓋其生平學行所得力者動有模範鄉邦推重子典成化中經魁六世孫純德登崇禎庚辰進士爲忠節名臣

零陵縣志

卷九

人物 儒林

十五

王之臣性勤敏博極羣書以歲薦授江西吉安訓導轉和平教諭嘗講學鄒穎泉之門與鄒泗山鄒南臯輩同學以新建良知爲宗窮徹性命之旨

雷奮號小洲幼負異方以明經任廣西灌陽司訓課士有法程以贊進者皆卻之上官重其品稱仕學兩優云

蔣翔字文振任餘杭司訓陞播州宣慰司教授居官清潔取予不苟蠻貊服其化歷九年致政歸

陳棟字子隆銓之五世孫也博學宏才尤精戴禮以明經司訓黃梅迪誘有方陞講甯令多惠政及歸人思之稱爲瀛西遺愛云

黃甲字瀛洲少穎異家貧力學博涉經史年十四遊於庠本名行可督學董其昌試永拔第一食餼爲更今名焉九

試鄉試未售由歲貢爲常甯諭講學明倫造就多士有李
生者貧而好學甲捐俸給之李因擢高第時常甯令莊誥
周元河門人也以書寄莊曰黃瀛洲長厚君子當善事之
甲聞之曰某豈以豬肝累安邑者耶益厲清苦莊有饋遺
堅不受或以事屬言於莊者皆謝絕莊愈敬服遷廣西柳
州府教授力辭歸行李蕭然見者稱其清儉先是甲爲諸
生時有鄉人盜其羊事覺其人夜叩門謝甲曰余不忍彰
汝過倘汝能自新何惜此一羊也其人卒悔悟爲善良御
史劉興秀幼時甲閱其文曰此子偉器也妻以孫女後劉
卒成進士年七十餘手不釋卷著有連山集二卷子四長
學憲字肅伯生平無疾言厲色恬淡寡慾不事生產壻官
御史時語曰吾聞諫官與宰相等宰相尊行其道諫官卑

零陵縣志

卷九

人物

儒林

六

行其言今汝居言官朝廷邪正草野利弊當慷慨直言爲
國家造福卽爲子孫造福也士大夫聞之咸歎服焉次學
瓊號玉臺少敏慧篤志詩書善屬文屢試未售父致仕歸
家貧如故學瓊竭力奉甘旨朝夕承歡甚得親心事兄學
憲極愛敬兄性恬淡不耐煩勞二弟俱幼學瓊獨綜家政
爲二弟畢姻雖貧無廢禮鄉里稱孝友焉妻楊有賢德相
敬如賓年七十二卒三學晉號衡臺克承父志篤學不倦
早年補弟子員有文名從遊甚眾性端方嚴謹燕居必正
衣冠子弟有善讀書者多方教導之年七十二卒季學夔
號止臺輕財好施有稱貸者慷慨與之貧不能償者悉焚
其券日與諸名流談說詩書津津不倦延師課子相待極
隆重年七十六卒

康諧博學彊記由歲貢司訓鄱縣清介自持不苟取一錢以老致歸猶子國佐早孤諧教成立後爲楚雄典史有清操卒祀名宦皆諧訓誨力也

文章字玉臺少負敏質以文鳴於世屢困鄉闈而氣不少挫性剛直不隨時好嘗題聯語自勵曰備嘗世味從來淡不信天心到底私其高風雅致至今慕之

楊一科穎敏篤學以文鳴於時由歲貢任餘杭訓導績溪教諭與諸生講習期以聖賢爲法時織璫凌虐庠士一科奮身爲剖直之坐是爲權勢者所嫉拂衣而歸

呂學可庠生爲世胄子而醇謹樸訥言行有程學者稱爲太和先生事親色養尤篤三黨化之

徐熙載邑廩生孝友方正爲鄉里望人

零陵縣志

卷九

人物 儒林

七

陳楫字濟川性行狷介而好善循禮有古人風鄉邦仰重之

黃燦居東鄉性和平言動不苟日以詩書課其子遇競訟者善誨化之眾服其德縣官表其醇慤以風示鄉人

袁尙臺字汝明幼負大志博極羣書髫年遊庠以選舉當入監補官爲母老就教職歷任茶陵荊州武昌各學修持行檢遇事剛直不阿臺使者甚重之後歸和睦鄉井優游吟咏淡如也

易三接字康侯號暇齋府學生天姿穎敏好學不倦經史子集稗官內典罔不搜考每有獨得不襲箋注陳義弱冠能詩力追盛唐而浸淫於漢魏間學陶淵明得其神髓每一篇出人爭誦焉善舉子業屢試不利卽棄去惟自力於

詩古文遨遊山水凡元柳所至所不至者與二三朋好探
索幽奧著有零陵山水志性簡亢高自期許非其友不友
也當道求一面不可得好善疾惡本乎天性卽論古人亦
不少假借有暇齋詠古詩永州野史畧忠鬼錄諸集晚年
有志聖學知府曾二雲推官萬吉人講學濂溪書院與唐
穉純進講皆激賞之不置卒年六十三學者稱康侯先生
著述甚富無力刊行姪份收藏之份亦勤學好修貧能養
親己不娶而爲其弟娶焉份死其集乃散佚矣

雷鳴都字仲敷廩生性骨鯁有大志幼攻苦精舉子業鄉
試輒不遇嘗館於外塾側有麗色者數挑之鳴都乃辭其
館而去然亦不以白諸人也子象乾貢生象坤象豫之驥
雲電皆庠生

零陵縣志

卷九

人物

儒林

六

呂炯字旭谷生而卓犖周元汀爲諸生時見而奇之因妻
以女弱冠入庠督學董其昌拔補廩缺且亟稱其文由是
文名藉甚馮元成曹能始皆造廬訪焉雅好山水工詩文
築室愚溪積書萬卷與名流討論其中又集零陵山水諸
記哀爲一帙曰楚勝畧畧才力周驚憂人之憂急人之急
親友多被其惠年六十卒子一歲貢孫一庠生曾孫六
張恩字世承號湘渠贈刑部主事啟之曾孫訓導澣之子
也幼英異精研禮記以貢生任象州學正道範端嚴士愛
而畏之及歸居一室中讀書不輟年蓋八十餘矣知府唐
有懷雅重之嘗借荆川造其廬每至茗蔬款接藹如也年
八十九無疾卒兄憲以東安貢生任淮安訓導行實大率
相類年八十有六一時美二人之德復羨其年

張星字日生性端厚文詞清麗坐一室圖書自娛與親友未嘗有直言忤色雍雍然蓋古之遠於養者鄉里每推重焉丙戌舉於鄉世亂播徙流離然嘗夷然不介意也年七十有二丹顏鶴髮清健如仙子一庠生孫三人

張祿字養廉母賢而知書親教之年二十試輒冠其曹爲人清介嚴率後進以師道自任有不檢者威以夏楚故雖強魁一及門皆折節改行懼爲所棄也由隆慶時選貢司武義論權知縣政尙寬和然其操履則始終如一學者稱爲菴北先生曾孫維新字湘鼎戊午舉人授嘉魚教諭以經史教授貧士則捐俸濟之陞鄆縣令有廉名轉知蕭縣以事左遷淮安檢校鄉人劉興秀以直指巡按淮陽維新以鄉人且相知劉至不迎及夜則往酣飲如平時明日各零陵縣志

卷九

人物 儒林

九

官參謁又不至劉雖不責其疎誕然亦不薦也以是不能復職遂告歸嘗書壁云從富貴場中走一遭無加貧賤蓋紀實也亦以見生平之曠達矣年八十卒幾無以爲殮其清節如此

蔣如柏字子貞廩生幼孤事母孝謹侍寢溫席寒暑無間教諸弟皆成立子遇春字文湘父卒事母五十餘年色養無稍懈以貢生司辰州府訓遷沅州學正陞汝甯教授所
在聚徒講學發明濂洛之旨家居不問生產以仲子向榮貴贈奉直大夫卒祀鄉賢長子向上字自達年十二善屬文爲推官林汝詔所賞試游於庠居家孝友行已在夷惠之間工舉子業一試不得輒棄去意弗屑也里居教子孜孜不倦所成就多知名士子二本滋本昇本發皆有聲庠

序

國朝

王渥字仲醕歲貢生性孝友設塾教授諸生咸奉矩矱康熙中選長沙訓導年老未赴卒子良材字因培增生恪承庭訓言動有法爲時所重事母蔣七十年服勞不倦析產時上體母心以膏沃推其前出者二兄授經鄉里多成就後起云

唐廣盛字敬叔制行端方篤於學執經問字者日負笈至爲諸生五十餘年屏跡公庭介然有守鄉里稱爲狷者年七十三卒卒日出所藏書數千卷盡給族中子弟

彭一珏字君玉庠生篤志力學工舉子業一時從游者至舍不能容鄉里有爭競者慷慨直言各得其平而罷居家零陵縣志

卷九

人物 儒林

三

長幼尊卑秩然有節族之子弟無不憚其嚴正者遇高人
文士談論亶亶不倦延師課子授餐極豐潔而自奉則淡
如也年七十二卒子五俱業儒

唐棣字子芳號石野隆慶里人府學生明進士惟學七世
孫也性孝友守正不阿潛研性理諸書躬行有得居喪不
用浮屠著說闢道場十謬皆衷情理而出不詭隨不矯激
也又有孝思錄讀者可以知父母之尊親神鬼之正直而
佛籙道經之說不攻自破居家冠昏喪祭俱用朱子家禮
不肯一毫苟簡朔望聚族人宣講 聖諭廣訓十六條切
切以規風正俗爲事所居社公山有古樹神憑之作祟凡
裹身及白衣過者多病且死棣旣爲文以告卽操斧率眾
伐其樹而怪遂絕孫曾讀書識義理能率其行

陳禧歲貢生少以淹博著聲尤精於易垂老兩目眇昏日
集生徒講解娓娓不懈人咸以耆宿目之選湘潭訓導尋
卒

歐瑄字獻虞明監軍道副使繼修之曾孫少孤性敏而嗜
學隨母就其外祖高氏居高氏固多藏書瑄日夕縱觀而
博涉之所居僅一室日或不再舉火而誦聲不輟遇賓客
應對落落然無局促態時尙童穉也既長遊庠食餼壹志
修檢言動有法程師表後進加伍之仁劉燿高煥高遠高
倬皆端正士蓋嘗從受業云惜嗇然竟以鄉貢終子振揆
諸生有盛名

湯相尹字聘三號東軒進賢鄉人雍正己酉拔貢幼有神
童之月能文善書法尤工詩賦著有東軒詩藁族之學業

零陵縣志

卷九

人物

儒林

三

自尹倡之諸弟皆尹所成就性剛介言笑不苟同年大學
士陳大受夙相契洽屢以書招不赴在嘉禾教諭卒弟相
萊號北麓乾隆丁卯舉人官益陽教諭樸直高節有清操
在任修 文廟崇厲士品歸以壽終子一長炳第次炳笈
丁酉拔貢

桑繼德字懋昭同邑湯相傳誌其墓畧曰公穎異過人日
可讀一錐書蓋以錐卓冊淺深而成誦也雍正庚戌拔貢
乾隆壬申 恩科舉於鄉需次知縣不及仕年四十六卒
居心仁恕不妄交人亦不輕談人過失一日爲門人授經
至父母俱存句哽咽不能言且哭泣不止爲之罷講蓋痛
自少失父母也子孫俱世其業

孫占鼇字經元號玉山歲貢生其家以造錫爲業占鼇幼

習是顧性癡於書嘗役於府署懷書而往知府某奇之因令改業儒不數年文名歸然卽入庠食餼乾隆丁酉貢成均晚居斗姥閣潛心理學終日默坐與性道相契世味泊如也著有周易疑參四書質疑知府謝仲玩學使李汪度見之皆極歎賞其易序則謝所作也且贈以詩有云永山高莫援人士亦孤騫我聞居永邸得契劉與孫河洛孫君學數爲理所根先天窺道妙自成一家言劉蓋占鼇友名頰者謝時稱爲二先生云生平以禮法自持一錢之入皆準於義一出言必衷諸道居城市無干謁而當事重之特甚邑搨修兩文廟火神廟皆占鼇掌會計其捐貲有贏餘皆別度之不私假一文其廉介如此然卒貧且無子天之報施善人果何如哉壽九十六卒子一能文早世撫姪正

零陵縣志

卷九

人物

儒林

三

明爲嗣

石三綱字操要邑庠生小木口人壹志課徒於世事無關而遇父言慈遇子言孝不率者則反復規迪之里黨有忿爭率感其誠相歡而解年八十三終子如葵亦入邑庠伍之仁字心齋郵亭墟人乾隆丙戌歲貢候選訓導曾祖祖俱貢生舊爲清門而貧殊甚之仁故嘗授學養親性端凝舉動語言皆科以程度雖童僕前未嘗稍戲玩館穀外不妄受一錢遊其門者率自力於修名之仁固寢食於詩書誦讀一室中不知旦晚家務凌雜一身併當之而簡冊未嘗去手也年八十五卒子世弁業儒

左文科字青選北鄉燕田人生而穎異早歲食餼前後學使者相繼以才士稱之雍正癸卯拔貢循例授教職歸籍

養親授經家塾請業者舍不能容隨其才質多所陶鑄乾隆甲子選新甯教諭月課季考嘗自擬文以式多士意直懇如父兄故樂就者眾著有恆堂藁藏於家年八十一卒子孫俱入國學

王仁濩字雨亭湖塘人乾隆丙戌歲貢束身名教書籍外無嗜好居鄉無賢愚皆稱爲厚德長者晚任甯鄉訓導一年卒

胡文珪字元璋太學生梅溪洲人幼好學喜親近耆碩長通世務不拘拘文墨而行事暗與古合所居介巨族或凌犯之忍而不校老且貧者敬而憐之且時濟其乏嚮善者恆委曲成全之嗜飲博者由其規勸皆改行有董姓者素無行曰吾於人無所畏惟憚見胡劉兩君子蓋謂文珪與

零陵縣志

卷九

人物

儒林

三

劉烺也邑 文廟書院諸義舉皆捐貲剏修而親董其役晚年講求心性之學座右嘗書隨處體認天理字以自警置義田百畝爲族人讀書之費及今子孫約數百人或以貧執他藝然自少固嘗就學無不識字者子四旣析居爲各書格言榜其堂今其孫曾或才與否皆各肖其所勸規彼此無同者蓋其識量之遠而釐教無窮如此卒年八十六子及孫曾多列庠序次孫朝崙尤有文品由貢生任辰谿訓導九孫朝崙以庠生試用山東縣丞

唐學古字官能號荆園徵士國典之孫少穎敏日可成數藝弱冠卽食餼試輒高等晚獨有得於安溪李氏之學學使張成姚姚頤皆心賞之散文有歐曾法郡縣諸碑記多出其手著荆園雜鈔藏於家天性尤肫篤母氏蔣嬰沈疴

焚香祝天願以身代翌日卽瘳人咸以爲孝感嘉慶元年歲貢道光初選桂陽訓導以母年九十辭不赴未幾卒年

七十一

以上舊編

高懋松字封五以病輟讀業醫貧病者皆診視之且贈以藥費以此負重債兄弟分爨卽變產以償其學遂於易人以理學目之子錫瑤邑庠性嚴正學問淵涵事母氏杜最孝教授五十年從游多名下士著有芟補春秋條編

李尙通邑庠生隆慶里人潛心道學不苟言笑平居行坐必端敬與家人處如對賓客嘗手鈔大學明新章次

聖諭十六條又次太上感應篇與先正格言末則先人生忌日時也每晨焚香敬誦雖客外亦然狀貌奇古望如神仙晚年默坐一室少與人見著勸世要法勸善詩集卒年

零陵縣志

卷九

人物 儒林

十四

七十二

劉炳原名大年號松丸進賢鄉人品學冠一方以拔貢應朝試報罷留京十餘年名公巨卿爭羅致之屬課其子弟游其門者多登巍科卒未嘗有所援繫後補桃源教諭未赴任卒

劉興鯉歲貢生天姿高邁精舉子業屢鄉薦不遇素不治生產室如懸磬而日賦詩飲酒不輟也至非義之財則一毫無所取其達情任運如此

王會之邑庠生性嚴正人不敢干以私家鄰縣署從未一至也教人有規條或有乖於道義卽面囑之甚且屏諸門外竟以諸生終

陳可大字簡卿郡庠幼嗜學年三十始補學官弟子性耿

介不苟取與風裁峻整婦孺見之悚然起避居某鄉嘗讀
書城中往返必由大道不趨便捷酒肆茶館從未一至鄉
人共推爲正士焉

張明城字儀齋郡廩生文名冠一時事繡母曲體意旨訓
兩弟皆成名課讀嚴講解晝夜不倦門下掇科第者若干
人居家莊嚴正氣懾里閭年四十三卒子保元心鏡均庠
生

鄧愷字惺齋縣學生高溪司人志趣高尚屏絕世務於六
經諸史披覽不遺授徒以敦行端品爲先事父孝父卧病
百餘日嘗晝夜侍寢食俱廢

龍德邑庠生篤志博學爲文專主理法不揣合時調授徒
講經義雖盛暑不解長衣終日危坐無怠容或有過雖長
零陵縣志

卷九

人物 儒林

三

必長跼受責而後已如是者二十餘年子四象乾邑庠生
唐與齡字鏡秋邑城人性渾厚勤學與朋儕處未嘗臧否
人物獨居端坐如對神明詩文陶寫性靈不屑傍依門戶
而自然合律咸豐戊午鄉舉計偕北上北地繁盛多狎邪
遊與齡終不爲染改官刑部員外郎辰入酉出治公事無
懈堂官器之膺京察一等年三十五卒於京師妻氏王攜
三子隆筠扶櫬歸葬二子希瑞希璜均郡庠生

以上
新編

文苑

漢

韋曜本吳郡雲陽人撰吳書以不爲孫和作紀忤皓積嫌
寃誅徙其家零陵史稱其子隆亦有文學如其父云
周不疑字元直幼有異才聰明敏達曹操欲妻以女不疑

堅辭之操愛子倉舒有才智謂可與不疑為儔及倉舒卒
操心忘不疑不諫操曰此人非汝所能駕馭也乃遣刺客
殺之時年十七著文論四首

巖 奚景文學嘗遊九疑至石室得玉琯十二獻於朝後以名

唐

史青博學彊記開元初上書自薦云臣聞曹子建七步成
章陛下若試臣五步之內可塞明詔日試萬言臣願足矣

試昭君怨除夕詩尤工明皇賞異之授左監門衛將軍

夕詩今歲今宵盡明年明日來寒隨一夜去春逐五更
回氣色空中改容顏暗裏催春光人不覺已入後園梅
此詩有作王諶者
誤又譌來為催

宋

零陵縣志

卷九 人物 文苑

三

蔣曷字彥忠穎悟彊記與黃彪嚴昌裔為友同遊張魏公
門時南軒尚幼嘗同至天慶觀讀真宗御製碑文南軒一
過輒能誦曷再讀亦不遺一字舉進士終僉判賓州

譚世選字勤之世業儒永州郡博士策上等者自世選始
兄子知言字養正嗜學明經再中選試嘗築一堂藏書千
卷謝諤為書學林以勝於楫楊萬里為之記

明

王崇德字象賢博洽羣書尤工易學一時名俊多出其門
善草書工詩文著有漫藁亦山文集由選貢司訓贛州身
範多士

楊一第字及甫少負異質淹貫典墳年十二遊庠食餼以
歲貢授湘鄉訓導隆慶庚午修郡志訂柳文輯兩巖集皆

出其手子二儀字學易年二十二領萬曆丁酉鄉舉尤工詩賦所著有寓寓吟人謂其學有淵源云

張大夏字平甫幼負異稟博通羣書工吟咏以歲貢司河南訓居洛數年士夫問字者履常滿戶外轉西陽教授即告歸卒年八十二著有京中吟蜀中吟各集

王佐字子才性正直敦孝友子道純弱冠游庠膺選舉執經問字者填門嘗與徐有說張大夏結廬幽靜處勵志潛修人稱為城北三友

蔣如桂字子芳號仰崙芝南之孫崙南之仲子兩世以明經教授湖北文行可為世法如桂賦性方正承祖父訓惟嗜典墳喜聲律精舉子業方隨父湖北時值嘉靖庚子及乙卯兩科武漢諸名士競就講課獲雋者皆出其門時大

零陵縣志

卷九

人物 文苑

七

吏陳望閩馮一川咸以第一人期之乃僅以歲貢得鄆陵教諭旋遷長沙教授講學嶽麓湖南士多從之凡如桂所造就皆錚然有聲於時著有五經管見性理料簡通鑑摘要禮經卓見及靜一集詩古文隆慶庚午纂修郡志皆如桂力成之

呂學簡字敬甫家貧嗜學研討甚博善古文辭領萬曆辛卯鄉舉授澧州學正癸卯分校貴陽所錄皆名士轉蜀南都合告歸隱六清亭自號六清山人所著有六清亭說廣拙編栩栩夢語弟學問博聞彊記邑廩生七試秋闈不第嘆曰非文之罪也子燭亦克象賢因陶陶於詩酒間

周希旦字惟思資穎異十歲通文藝人呼為奇童有訟其叔父某者時年十四詣官代白其事太守命題試之揮毫

立就是歲補弟子員食餼以明經授德安訓轉萬縣諭致仕歸里詩酒自娛恬退雅淡鄉邦頌之

楊煥嘉字君孚材季子生四歲而孤母孀居課以經史皆手自指授十六補弟子員名噪一時尤攻古文詞當路徵文者踵相接著有明洲山人集十二卷

陳植字貞之號兩奇鄉貢生孝友端方好惡皆得其平有藩王孫縱家人橫行於市者植與選卽眾辱之其家人屏氣不敢抗後竟歛跡植博極羣書擅舉子業瞿達觀亟賞之教授後學著錄者半永陽萬厯己未纂修府志耄年猶讀書不倦一時博學稱植爲最卜居澹山著有水雲窩諸集壽九十一衣冠端坐而卒子孫皆諸生

劉鶴齡字茂實性聰穎厯府縣試九冠其曹尤工詩古文

零陵縣志

卷九

人物

文苑

三

永州府志皆其兄弟所纂修也著受山西山集門下士多列縉紳而鶴齡竟以選貢終

鄧一桂字時芬善屬文尤長詩賦弱冠入庠爲時所推屢鄉試不第遂肆志典墳潛心理學年踰八十好學不倦臨沒嘯咏自如如有詩文藁藏於家

陳泮字汝龍幼擅文譽由歲貢司訓武陵以釐正文體爲務遷上高諭致仕歸著有做蘇文集

高沆字三水幼慧能文工詩賦入庠食餼篤志舉業時萬吉人吳茲受每閱沆課藝輒擊節嘆賞性友愛兄汲弟灝皆先卒撫幼姪若己子世亂山居課子昕夕書聲不絕弟灝字泗水少有大志工舉業所與遊皆俊豪會世亂家居教子究心詩古文每與友較論古今遊覽林壑婦唐氏亦

善成其志凡所需舊醅新茗藏炙鮮蔬畧不少缺又能整肅門內婢僕率從故有鹿門龐公之遺意焉子棫廩生彭文燭字含耀號石樓幼時祖攜之任遇縣試歸道遠過期乃求試於府五題立就得錄送遂入庠食餼清致孤標有先輩風力與易康侯唐穉純爲友究心良知之學同爲萬吉人所引重嘗出遊衣冠俊偉望而知爲有道之士居家孝友無間言簡靜嚴正對妻子如賓客未嘗以喜怒加人博極羣書爲文簡而有法兼善行楷晚構茅屋於園中處之怡然年七十九卒著薑園集

陳子慎字去蕙庠生姿宇和暢與人交不渝寡言笑然與論事理則亶亶不休聽者忘倦善屬文自秦漢以來諸大家意有所宗輒神似爲詩有遺致一時名士傾慕之

零陵縣志

卷九

人物

文苑

五

謝宗聖字心尼廩生性沈潛讀書刻苦至丙夜呬唔聲不絕爲文執筆冥思語不驚人不止也

謝蕃元字嶽生穎異絕人蚤遊庠食餼博學彊記精舉業工音律善書法督學游堵牧歲科兩試皆拔第一歎爲奇才知府曾一雲推官萬吉人吳茲受咸與作詩文友然蕃元闊步高視不知諸人之爲貴也所著有石欄詩

陳才雋字君虛別號美周諸生豪宕不羈所交皆名士凡往來楚粵間文人詞客必造其廬若柳州袁稚圭粵西滕之倫西楚米彥伯皆稱莫逆時競尙舉子業而才雋獨好詩古文構閣瀟岸種竹數畝日與諸友暢飲其中俗士不敢入過者望之如仙焉每讀書至夜分童子二人執燭沉思有得卽夜邀友人至或叩友門與之往復極論達曙始

休性孝友事繼母盡其道待異姓女弟如同胞族弟貧乏者推解無吝色著有琢玉集子正誼廩生孫三元質元明俱庠生

國朝

雷象乾字心易歲貢生讀書別具識解詩文皆清超不襲陳腐性耿介爲陳忠潔純德長靖然不免飢寒可以知其操矣弟象坤字簡叔少穎悟讀書數行俱下每試必高等弱冠能詩得中晚唐意清新秀精妙絕一時爲古文詞亦然所學未竟年三十六卒嘗有詩云錦裳天女織黃絹漢人誇若自評其集云

鄧光遠字遙集廩生長身美鬚髯所蓄古書數千卷手自校讎以博學鳴一時工詩文善舉子業以世亂鄉居教授零陵縣志

卷九

人物

文苑

三

從者如雲順治五年永州初復湖南員多缺內院檄考收人才以備用光遠以工書爲所賞拔置前列

黃佳色字澹若號蓮山生時夢白衣婦人抱一子予之曰此人瑞也善字之幼穎警非常七歲能屬文下筆若有神助制舉藝宗有明王唐瞿薛諸家庚子領鄉薦第一時年二十四所作闈墨翁張變幻若非人力所爲當時稱名元庚戌試禮部房考王杲激賞其文薦第一主考欲亞之王曰此文不作元天下道吾輩無目力爭不得王憤然曰不如置之且待後也竟不第及歸湖南巡撫周某廉其賢延爲課讀其子昌遂連捷成進士後昌守河漳道又迎佳色入署一切政績多所匡贊試屬州縣佳色爲閱卷得長泰吳一蜚文曰此奇才也試後召入署課之一蜚旋聯捷入

翰林晚絕意仕進處家庭有至行與人交恂恂和易及大
利害則慷慨正言不少假借雖武人悍夫無不協服年七
十三卒

新編

彭耀祖字彥叔庠生性英警讀書一目數行爲人跣弛不
羈諳音律嘗以絲竹陶寫情趣有至性孝於親於羣從兄
弟皆友愛之閨門之內訢訢如也子述誥字次明幼讀書
慧解絕倫爲舉子文蕭然森秀古文能自闢蹊徑與古人
相出入或見人斷章零句有愜心者多手自鈔錄蓋生平
獨用力於文此外非所注意也康熙戊申同修邑志卒年
六十三

田龍字汝霖號雲先工績事少游燕趙吳越間丹青重於
一時性和藹人求之輒應得者爭寶藏焉晚博一官卽退

零陵縣志

卷九

人物

文苑

三

隱於梅溪居家不計有無惟放情泉石書畫自娛而已間
游城市人皆款愛之子四山雲善琴書玉山荆山鳳均
有文譽食餼龍垂耄顏色猶少時年八十四卒鄉諡端敏
先生

蔣本厚字孟醇少聰慧能文補弟子員應歲試督學者拔
第一文名大著竟以歲貢終性和雅一笑語皆條然爽人
意避亂鄉居究心詩文詞宗尙雅體識者許焉康熙戊申
與彭述誥田山玉同修邑志卒年六十四子密庠生
易畫字無畫庠生愛詩初學鍾譚晚而彌進汰去陳言獨
標穎秀世亂顛連困頓不倦於學口哦手寫無暇時人皆
以詩人目之

郁文耀字美中郡庠生篤志文學所與遊皆當時有名者

聲譽藉甚晚年鄉居教子以禮法有古修士之風子又新庠生

韓景元烏鴉山人殫心理學不斷斷時藝而文譽藉甚與同邑孫占鼇伍之仁劉煊劉煥以古人相磨切顧鄉試數不第以歲貢終善醫精於導養年八十有二猶聰強如少時

朱世雍字宮在歲貢生進賢鄉人工舉子業尤善散體文典贍流逸鏗意於揚馬之間家甚貧而聚書極富凡天文地志農書兵畧人物蟲魚草木無不研覈精詳至仙佛二家書亦多心解家居嚴整接人則良易可親遇樵豎牧子亦勗以善行存心濟物有流寓衰老而無依者鄉里孤寡死而不能葬者己貧不能貲則爲文募於眾以竟其事子

零陵縣志

卷九

人物

文苑

三

崇煜孫履坦皆庠生

高倬字漢昭小木口人少聰慧劬學詩古文皆天然秀拔於書無不讀尤精史記肄業嶽麓巡撫楊錫紱山長黃明懿數湖南才子謂倬爲第一時與倬頡頏者多成進士入翰林而倬以廩生不及貢而卒內行純篤好德務施予蓋能文而善飭行者卒年五十子學淨庠生亦樂善有父風雷聲純字文昭曲河人父康世庠生年二十一卒母高氏撫之家貧以紡績自給幼嘗業樵牧然出必挾冊所至時有謳吟聲由乾隆乙酉拔貢需次教諭方銓遽卒聲純工時藝主講濂溪書院數年門材甚眾兢兢自守未嘗干請當道與之交淡如也時習靜坐一室造謁者窺其戶寂若無人及入乃見之

以上舊編

唐錫齡字夢九弱冠補弟子員幼時能暗誦六經爲文簡古無一尋常語每一藝出老師宿儒歎爲不逮授讀城鄉游其門者多模範其文乾隆丙午擬解額因詩律失協置副貢

唐時見字景星邑廩生性豪邁不肯後人博覽羣書過目輒能記憶爲文淵茂蔚然經籍之光尤邃古學屢試高等名噪湘中嘗肄業羣玉書院山長內翰林學易稱爲廊廟才已西赴鄉闈沒於長沙人咸惜之孫大輅貢生大暢會孫炳縉皆庠生

劉方璿字載圓號云莊乾隆癸酉拔貢幼秉中姿而勤悴於學年三十獲選貢五十八乃登鄉榜事親敬謹父煥講理學身率其教季弟天母楊氏傷之璿多方寬慰令釋然

零陵縣志

卷九

人物

文苑

三

而後已家素貧次弟方璿以朝考留京及改教凡所需資斧並家居妻子及兩弟婦衣食均獨力營措其孝友如此通經學尤邃於易雖舟車旅次亦省誦一爻一象不解思之累日月往往夢與神質語著易說刊板後屢易之張學使姚成序其集云名理在故書中惟好學深思不汨於眾論者獨得其真歷主郡屬各書院胥以易爲教及解學官歸里時年已八十逢人猶疊疊言易終日不倦其爲學官時同官某病卒奉臺檄令兼署所入門人贊併千金慨以資之某喪得歸性恬淡不務稱譽如前曰合武占熊桂東合林九岡所修志藁俱出其手而卷首不著姓名也年九十無疾卒弟方璿號遜田已西拔貢幼讀過目輒成誦數年通熟諸經年十五補諸生十七食餼姚學使頤器之召

入署讀既屬閱試卷己酉復見知於張姚成督學充選貢
朝考就鑲黃旗教習選知縣改潯浦教諭旋陞衡州教授
時年已八十餘艱起拜侍大吏禮節多疏畧或謗以恃才
貌上守道某召見讓之試以文發兩題操筆立就詞旨贍
逸某驚服於是大吏皆不以禮相繩生平溺苦經史幼侍
父讀塾中父命返家取羹供午餐及至羹未熟卽密入藏
書室家人不知也日晡不至父歸覓之則方以門擁羣書
坐也一日食角黍拌糖霜時且讀且食竟以角黍蘸硯中
人見墨汁漬口頰晒之始知其誤其勤學類如此素脫畧
言動多曠放類玩世不恭者然篤厚親故雖遠必以時存
問里黨饋遺不絕年八十九卒於衡州任所

蔣銓歲貢生性穎慧熟於經史善屬文每拈一題動成數
零陵縣志

卷九

人物

文苑

十四

藝試輒冠其曹督學使者稱其文近吳修撰鴻知縣龔每
招至署試制藝立成欣賞不置鄉閭數薦未售意夷然也
好興舉廢墜移建郡城 文廟倡議助修苓香講社著有
孟衡遺藁後嗣多列庠

蔣信歲貢邑城人性脫畧不慕榮利文名噪一時屢試高
等性嗜酒爲文不假思索每過友人左持盞右揮毫且飲
且閱爲竄改其門人文藝數十篇可一時竟故求定詩文
者多貰酒以待生平不關外務以詩酒爲娛卒年七十餘
艾承恩號勉齋邑廩生夙負大志偶儻不羈工詩文善書
豪飲好客有俯睨一世之概當時鉅公卿開幕府爭羅致
之著有紉蘭齋詩鈔待梓弟松齡字心齋邑廩生聰慧好
學手不釋卷書學趙孟頫極神似工制藝善詞賦家貧授

徒孜孜不倦尤嚴取與不妄受一非義財著有翠竹山房詩集待梓

屈鼎新西河人原名伸天姿超卓爲文宗金陳諸大家童時名噪甚嘗入貲納監應省試屢薦輒躋年三十餘復試於縣始以第一人補弟子員道光丙午登鄉榜生平恥干謁一動作皆準禮法晚年主講羣玉書院門下多知名士其著作散佚不傳授衡陽教諭未赴任卒

譚光鼎號槐村洹溪人父岐山先卒事母以孝聞母歿哀毀幾滅性好讀書諸子百家靡不通貫嘉慶辛酉拔貢考充正白旗官學教習庚午領鄉薦會試時董相國奇其文擬置魁以草榜已定與他主試者爭之不得是歲以教習銓知縣而光鼎意欲第進士未及仕而卒

零陵縣志

卷九

人物

文苑

三

盧學全字半庵縣學生南鄉承平洞人質魯而能自淬苦於書無所不讀兄早世視諸姪如所生及析產因姪家人繁推多取少姪尤愛倚之凡先人生忌日必肅衣冠率子弟詣祠拜禮並修輯家譜晚年尤好讀書手未嘗釋卷能詩卽事見於吟咏著有愛梅堂詩草待梓卒年八十一胡搢號松峯梅溪洲人廩貢生癖於書然遇甚高年三十始入學又三十六年始食餼性介直不關外事事父母以孝聞母病數年凡藥餌械窬皆躬親之喜誘掖後進與談經藝殷殷講畫無倦心故從遊者多知名士年八十猶手一卷呶唔不休

伍星聚縣學生幼聰穎過目成誦年十九遊庠以勤悴得咯血疾遂輟舉子業性樸誠不飾邊幅然從不近俗人環

堵蕭然雜蒔花木詩文取陶寫性靈不務究聲病也自署
曰養拙山人著有養拙堂文集與賢齋詩集行世

王明珠字照乘號媚川恩貢生小聰敏博涉經史爲文以
古大家爲宗鄉試屢薦不售家居教授嘗以敦品砥行爲
重老而嗜學室多藏書丹黃殆遍著作極富門人請付梓
謝之曰末藝耳何以傳爲卒年八十七子士駿庠生

楊斗南號星槎北鄉存樸里人弱冠入邑庠鄉闈屢薦不
第年七十九卒著有星槎詩藁行世

蕭韶字阿英號選樓世有潛德少穎悟讀書日終一卷道
光丁酉蔡學使錦泉取充拔貢朝考罷留京旋以疾卒年
甫二十六人共惜之韶生周晬卽失怙母守節撫之成立
逮事祖父母爲所鍾愛祖母歿以母事祖父多不便凡省

零陵縣志

卷九

人物

文苑

三

起居供甘旨皆身代之曰隨行夜則伴宿一日往城而祖
父卒比歸已歛矣遂呼號以頭觸地氣絕久乃甦事母先
意承志尤以孝聞體質魁梧目炯然有光性高亢所行多
矯世戾俗爲文超卓有奇氣所著古文四卷古近體詩四
卷外讀史摘要及雜編數種

王植本字立齋冷水市人邑庠生幼悴於學工吟咏因苦
讀邁疾年二十五疾時似狂非狂日夜吟咏不輟一日卒
著有聽月樓遺草

鄧雲翔邑庠生姿秉警異道光辛巳修學宮一日失其記
籍雲翔爲默錄其所費纖細無遺有以公論文示者約二
千餘言雲翔故橫覽之一目卽成誦其強識如此

熊寅齋縣學生高溪人事母至孝母歿哀毀骨立旣葬廬

慕講學從遊者感化之所成就多敦行篤學之士著有四
書字義待梓子迪九孫步青均庠生

零陵縣志

卷九

人物

文苑

七

仕蹟

漢

曾譚舉孝廉歷尚書郎有文武才官至太常卿

蔣晉漢靈帝時舉孝廉授尚書郎出補汝南太守遷交州

刺史入奏事應對不滯拜尚書僕射清直爲羣僚推服

劉優父綽自彭城起家出補零陵太守優少有雋聲舉孝

廉漢獻帝時爲御史大夫遷尚書僕射

劉敏優之孫善草書弱冠與蔣琬俱知名舉孝廉後主時

除御史糾察名實廷中稱當爲揚威將軍魏遣曹爽侵蜀

敏率兵迎敵以功封雲亭侯後加中書侍郎拜成都尹政

行化洽

蔣琬字公琰弱冠知名以州書佐隨先主入蜀除廣都長

零陵縣志

卷九

人物

仕蹟

三

先主嘗至廣都見琬沈醉不事事大怒將加責諸葛亮曰

琬社稷之器非百里才也政在安民不先修飾願察之先

主宥免後召爲尚書郎亮開府舉琬茂才固讓劉巴等遷

爲參軍長史亮北征琬留統府事嘗足兵食以相供給亮

每言公琰託志忠雅當與吾共贊王業亮病密表後主後

事當以付琬尋以琬爲尚書令亮初喪遠近危悚琬無感

容無喜色神守自若眾望漸服尋詔爲大將軍加大司馬

琬與費禕等議以姜維爲涼州刺史自帥軍屯涪疾卒諡

恭侯有疏錄入執文昔東曹掾楊戲素簡畧琬與戲言戲

時不應或曰戲慢公矣琬曰面從後言古人所誠戲欲贊

吾是耶則非其心欲反吾言耶則又顯吾之非是以默然

又督農楊敏毀琬曰作事憤憤誠不及前人或以告琬並

請推究之琬曰吾實不如前人無可推也後敏坐事繫獄眾懼必死而琬心無適莫竟免重罪其長厚類如此二子斌顯斌嗣爲綏武將軍魏鍾會至漢城與斌書欲詣斌先墓斌答書謝之會得書嗟歎後主既降鄧艾斌詣會於涪待以賓友密授姜維指隨至成都爲亂兵所殺斌弟顯太子僕射會亦愛其才學與斌同死難

賴恭才器不凡荊州牧劉表遣恭代張津爲交州刺史吳匡代史黃爲蒼梧太守後匡與恭相失恭還零陵

劉先字始宗博學彊記明習漢家典故爲劉表別駕奉章詣許見曹操問劉牧如何郊天先對曰劉牧託漢室肺腑處牧伯之位而遭王道未平羣凶塞路玉帛無所聘類章表不獲達御是以昭告赤誠操問羣凶爲誰先曰舉曰皆零陵縣志

卷九

人物

仕蹟

五

是操曰孤有步騎十萬誰敢不服先曰漢道凌遲無忠義之士翼戴天子而阻兵安忍曰莫已若卽黃尤智伯復見於今也操默然獻帝時拜武陵太守荆州平入爲尙書魏國既建爲尙書令

蔣珩氣岸英爽仕吳拜始興太守轉廣州都督化行如神後晉開基江表中原士庶相率歸化珩有力焉卒歸葬城東五里地名長塢

黃蓋字公覆初爲郡吏察孝廉辟公府從孫堅舉義兵拜別部司馬潯陽令所在平定遷丹陽都尉山越懷附建安中隨周瑜拒曹操於赤壁蓋建火攻之策大破之拜武鋒中郎武陵蠻反復領太守擊斬數百人酋長效命郡境遂清事無留滯後長沙益陽山賊亂加蓋爲偏將軍病卒英

雄記云蓋南陽太守黃子廉之後自祖遷於零陵遂家焉
蓋少孤辛苦備嘗然有壯志雖處貧賤不自同於凡庸嘗
以負薪餘閒疏講兵事當赤壁之役爲流矢所中時寒墜
水爲吳軍人所得不知其爲蓋也置厠牀中蓋自疆以一
聲呼韓當當曰此公覆聲也向之垂涕解易其衣遂得生
支宣雅順帝時李固爲荊州刺史表薦其賢

晉

唐安官郡功曹史庾闓薦之曰桂林生於五嶺杞梓出於
南荆况千里之朝懷其良彥乎安立身持操行著一邦若
得驂軌鸞衡服囊駿足則機石之良選可以對揚萬里者
也

唐諶少有志操魏咸寧初舉茂才拜武騎常侍歸晉平吳

零陵縣志

卷九 人物 仕蹟

甲

楚還投零陵太守境內清晏道不拾遺百姓樂業

葉譚清簡有節操至洛陽舉孝廉王濟詣譚曰君吳楚之
人也亡國之餘有何秀異而應斯舉譚曰君不聞明珠大
貝生於江海之濱乎武子無以對後除郎中拜太子舍人
遷秘書監所在皆有異績中原推重祀鄉賢

唐宏幼穎悟永嘉初舉孝廉拜殿中郎累遷尚書大司徒
薦舉賢能朝野多之

南北朝

唐獻之南齊時舉秀才官至廣州都督儀幹魁梧議論剴
直才氣出人時谿崗苗負固奉詔討之深入賊境督糧餉
規籌策賊以平仍於要害處築城堡濬溝池以備不虞爲
墾荒田俾軍耕守復招還苗落被掠者百餘人爲嚮導又

畫通道路以進討苗賊屏迹邊境以清

五代

史長善屬文吳王恪鎮永州辟爲判官謂長曰逆寇未殄君有濟物才若垂顧黎元有望矣長嘉其意乃應召多所裨贊境內肅然

宋

李忠輔字道舉皇祐初以恩格授官攝遷江合有治績桂林北出興安有靈渠漢唐歷修之至是復有震塌堤防罅漏漕舟歲梗帥司以屬忠輔乃大完築復其故迹溉田甚多調桂林司戶參軍遷陽朔知縣大兵南出邑當大道使者旁午羽檄紛馳忠輔一無所擾而供億悉辦未幾引疾歸

零陵縣志

卷九

人物

仕蹟

四

唐績字公懋苦學至忘寢食范祖禹謫永績從問學登元符庚辰進士歷潭州司戶遷衡山令山僧田當民田半賦入不時績至賦率先期遷鼎州通判會沅州獠寇黃安判荆南帥劉亞夫檄績應援賊平功冠諸路桃源縣方田吏倚法爲市民不堪命相率爲亂眾且數千提點刑獄孫定鑑遣績以兵捕績曰吾民勤服田疇而吏重擾之豈忍加兵耶以溫言慰之鬪者忻然棄仗解散除通判登州未行擢福建路運判民生疾苦必具以聞

朱敏字訥之一字公遠祖錢塘人爲零陵令因家焉舉慶元五年進士歷邵陽簿道州司理衡山丞辰州判官性凝重不飾威嚴而人自畏服所在以廉直著

唐容博學彊記與唐麟樂韶共學俱有大志號爲城南三

傑後舉開禧乙丑進士宰豐城政聲爲諸邑最尋知邕州
交趾入寇容以兵郤之後隱麻姑山自稱雲壑老人
胡黼字良貴安國會孫祖靜占籍零陵黼領嘉定戊辰鄉
薦授崇慶知州興學校清徭役省刑訟民感其德上賜詔
旌異之遷池州惠政尤著居官二十載家無餘貲
張韶以明經舉於鄉仕至朝列大夫海北南道宣慰司都
元帥府僉事所在人懷之

元

蔣節元末領義兵千人結寨爲保扞李指揮某叛節率兵
從討賊有功及湖南寇起節擊之督府上疏謂今靖州安
撫司雖朝廷設官鎮邊然黔陽實遐陬居人四散况會同
縣舊有城池若以節爲安撫司官領其部曲修葺城池招
零陵縣志

卷九

人物

仕蹟

望

撫猺裔討平靖州山寨且耕且守上策也帝嘉納之明學
士廖道南著楚紀稱其攘邊有勞於國云

明

唐慎居譚塘永樂丁酉舉人任監察御史巡按廣西有淫
祠俗傳著赭衣過者神降之災慎卽著緋往焚其像更其
祠爲民居而神亦不能祟也後擢按察司兵備僉事

鄧敬字維城號恪菴永樂戊戌進士除泰興令奏蠲歲征
民藉以安息擢監察御史奏汰冗員執法不阿朝紳憚之
劉安永樂中知武安縣賦役務均平嘗以事逮詔獄民相
謂曰廉父去吾何歸多亡入窮山中及安釋亡者皆歸奏
課爲河南第一

張鑑字景昭號湘雲居城西少穎慧力學事親至孝領正

統丁卯鄉舉登天順丁丑進士官刑部主政轉員外郎陞山西副使居官清苦自勵至性真慤不事華飾殫心政事百姓戴之子泰登宏治賢書

王鏞其先南直定遠人高祖乾一起家諸生從明太祖興義旅以功世襲鎮撫祖義充清軍總管中奕元帥從征天月山功最除寶慶衛晉階武毅將軍父健襲職及鏞始改授永州衛居零陵正統間鏞卒五傳至一舉無適子以庶長之箴襲之箴傳宗武宗武無子以義第三子質之十一世孫宗憲襲明亡職除王氏與國休戚明末太宗始絕義之支裔世爲零陵人多著土籍

張信字實之性穎異博通子史負文名尤精理學講心性者問業無虛日以景泰庚午鄉舉授粵西興安令廉以持零陵縣志

卷九

人物

仕蹟

三

己恕以馭民負氣介不撓權勢治聲翕然

原志一作蔣信

胡愷字德彰宋胡寅之裔性孝友由歲貢任南溪主簿年饑曲爲賑餼多存活者且善治盜使災不爲變以薦陞知縣有循聲於時

張湛字石亭居湘東性穎敏精通戴記後學多師事之時有書笥之譽成化辛卯中式選四川潼州州判屢署州事廉介自持無一毫取於民歸日行李蕭然

郭潤成化中知歸化縣時縣新設潤加意撫徠課農桑興學造士嘗署門云春雨有田宜早種公門無事莫頻來三年卒於官

沈良佐字堯卿宏治壬子鄉舉正德戊辰進士任戶部主事歷官知府轉副使陞廣西左參政爲政平恕所在有惠

績

蔣瑋字廷美宏治乙卯鄉舉授內黃縣州學博敦崇風教所裁就多資時用者遷贛州龍南令清約自甘有蔣青菜之謠以養歸性樂易鄉黨皆親就之善鍾王書法每日臨池揮毫得者欽爲墨寶著詩文四卷子春生字子成號東川嘉靖丁酉鄉舉任教諭陞國子監學錄南京兵部員外郎時倭寇內犯三吳告警春生上計大司馬某而寇遂退擢戶部郎中仍調度蘇松賦稅陞貴州僉事阿堂寇陷霑益時春生方爲畢節兵備僉事即率眾往平之黔以安堵兩臺省方薦其功春生遽告歸

吳禮字克誠號青崖居東岡景泰癸酉舉人成化丙戌進士初授監察御史尋陞貴州參政振厲風紀不畏權勢卓零陵縣志

卷九

人物

仕蹟

畧

然一時

郁浩字子淵號平山宏治乙丑進士任魏縣知縣調山東肥城性剛正持法紀而仁恕愛民抑強扶弱省徭寬刑民愛戴之以內艱去任再補天台調西安其爲政一如魏縣肥城故民皆祠祀之陞全州知州爲忌者中傷赴京再轉汾州以廉直陞南京刑部員外郎是時肅宗繼統議加興獻帝號首輔楊廷和率百官諫止之詔廷臣羣議而張璁桂萼主肅宗意附者皆至大官浩獨上疏爭之以此出爲江西僉事尋卒

朱袞字子文永衛人居邑城北兩鳳坊鏞之子也少穎悟宏治戊午與兄辰同鄉舉壬戌成進士授翰林院庶吉士以闡明正學爲己任詩古文著名大學士李東陽器之遷

南京御史忤劉瑾謫縣丞瑾敗起南京吏部郎中陞雲南左參政居官剛直歷布政按察司風采凜然奸宄斂跡壽至七十二卒於任歸葬河西著有白房集續郡十三志崇祀鄉賢

張佩世博學通載記正德二年鄉舉仕浙江通判擢韶州府同知多循蹟富於著述時以仕學兩優稱之及去韶民祠祀焉

楊材字大賦號二川正德癸酉舉人甲戌進士授江西安仁令有異政宸濠圖不軌材洞知之上書告變並貽浙江左轄何大衢書陰制巨璫畢真無外應濠敗當時以妬王守仁故抑其功守仁爲在事諸人訟誣材與焉後以資擢監察御史遷雲南僉憲所在以風節聞歸惟圖書數卷而零陵縣志

卷九

人物 仕蹟

聖

王誥字承之正德癸酉鄉舉授廣西岑溪令邑毗界潯梧民猺雜處風俗謏陋學宮荒蕪誥捐俸剏建以詩書勤課督之民易然向風邑境僅四里多連稅誥歷各崗勸諭之率來輸無後時陞兩淮漕判以終養歸

石文貴字第鄉人事親以孝稱少卓犖不羈慕朱家郭解之爲人後折節讀書通習史事正德時朝廷開方畧招納天下異能之士始遊庠食餼鄉闈屢薦未售湖南督學使者某復以國士陳得揀選爲進士初任廣西平樂縣旋署府事惠政春溫德聲洋溢蓋平樂府教授某當時所贊頌者

新編

蔣鏊字汝齋號湘崖子正德癸酉鄉舉任廣東教諭潛心

理學奉臺省檄毀淫祠所在俱盡陞扶溝令有清介聲迄
歸家貧窶愈甚而整所夕吟咏意泊如也著有湘崖文集
四卷軼事別見雜記。

呂應陽字伯律少聰穎該博多聞正德丙子舉人選浙江
青田教諭應江西庚子鄉試衡文聘所收皆知名士擢玉
山令拊循窮黎釐剔奸蠹日視百餘牘剖決如流民悚服
之臺省有疑獄屬應陽立折無誣罔後以忤時相費宏轉
杭州府判告歸子芝字玉卿號曰江承父志精究百家萬
慮初恩貢例可得有司以從兄藿掌銓引嫌司鐸蓬州購
書課寒士鄰邑之士爭往從焉

陳東字南塘性好吟咏博極羣書問字者履滿戶外嘉靖
壬午鄉舉授四川井研令改浙江龍泉令所至皆務以德
零陵縣志 卷九 人物 仕蹟 吳

化民薄於榮利政成告歸以詞賦尚友千古著有南塘類
稿

朱縉字雲卿號晴峯嘉靖乙酉舉人初任學官後遷縣令
致仕卒同邑蔣整誌墓有云司學郊廓修清節多著述士
夫推重之及令封邱澹泊自守便於民者以躬瘁之觀教
餘有錄試政有錄足徵矣銘云生有德以善世死有銘以
終譽公也無愧於神明矣整居官清正學道有得不輕許
與人其敘縉非苟然者

魯直字正卿宋參政宗道之裔弱冠領嘉靖丙午鄉舉選
臨海諭分校江西鄉試陞雄縣令雄密邇畿輔使車絡繹
民苦征役直除害興利民氣大蘇以見忤貂璫轉判松江
釐革宿奸清積年糧餉餘羨佐邊用陞臨江府同知未幾

卒雄邑士民請祀名宦

雷令字行甫號我洲嘉靖己酉鄉舉任貴池學教諭轉懷甯令邑故衝劇民疲徭役令爲調劑之所在蘇息時有勢宦虐民令註法繩之並著戒惡錄以示懲方告歸而海瑞適至上疏留之有旨仍取赴任堅辭不往母卒慟不欲生越三日竟殞

呂藿字忱卿號曰洲嘉靖乙卯鄉舉壬戌進士授主事歷吏兵工部郎中太常寺少卿陞南京都察院旋擢江西僉都御史藿器宇淵深才識敏練柄衡時進退賢不肖人服其公參司禮樂多所訂正總理留都樞務恪勤匪懈簡兵禦寇江海安瀾以忤旨罷歸居鄉以文藝課後進經指授者皆彪煥一時郡城水勢瀚漫藿捐金造迴龍塔於北口零陵縣志

卷九

人物

仕蹟

七

鎮鎖之民田界全州者多豪右侵占藿爲力爭還之其慷慨仗義多類此工詩古文著巢雲閣集

吳曜字少晦家世業儒祖有陰德曜篤志讀書由嘉靖辛酉鄉舉授應天溧陽教諭補贛縣令初至輒辨數疑獄眾以神明頌焉未幾卒時論惜之

王國彥字德貞嘉靖甲子鄉舉爲贛縣令與民休息以不諧時未兩載歸

陳諫字守忠治春秋由上舍任都察院經歷風裁凜凜嘉靖間隨征倭寇臨機決策主兵奇其才敘勞將大用會丁艱歸置義田以贍族人之不能葬娶者立宗法作式禮堂訂婚祭土相見禮童子事父母婦事舅姑禮復爲句讀讀書等堂一時士皆趨效之家居八年起兵部職方司事蹟

詳陳東南塘類稿年七十餘卒於京師子太學生所願扶
柩歸葬

李鏗字廷和幼以孝友聞由歲薦授潯州府通判陞上思
州知州招撫民獍覈出匿糧額穀數百餘石條革冗費數
百餘兩儲用得以不匱一郡德之以父養歸里優游吟咏
卒年八十五

陳潤字汝德隆慶丁卯舉人官廣東連州知州俗尙悍鷲
潤豈弟慈祥嘉與休息重講鄉約以懲不率未幾窮陬僻
壤皆化爲仁里連民至今尸祝之弟澗字汝新號虹洲隆
慶丁卯與兄同領鄉舉戊辰成進士授戶部郎中出守衢
州府謁趙清獻抃祠與僚屬曰此吾曹嚴師也終此生當
無媿其人衢多礦盜夙稱難治澗至人畏而懷之四境帖
零陵縣志

卷九

人物 仕蹟

哭

然兩淮推良吏第一時方強仕以養母告歸衢僚以贖鍰
解進堅不受命藏庫焉歷任凡六轉而囊不贏百金真不
媿清獻矣里居著管見一冊以風末俗勵後進

胡應禎字兆行隆慶恩貢任四川緜竹令救荒息盜有廉
惠聲丁外艱起服補山東萊蕪令陞德州知州疏漕河懲
私鹽實廩廩井井有條起內艱知漢州以督餉功遷慶陽
同知駐甯夏鎮時都院黨馨貪虐應禎抗論不合遂拂衣
歸萬曆壬寅立東宮詔進階四品

陳舜咨字好問隆慶恩貢任都昌令操行清介舉事持大
體以興學愛民爲務有循良風陞惠州府通判修復古城
剏建河源學宿弊清釐其政教著於鄱湖南海間以終養
乞歸居鄉正直稱盛德焉

袁香字汝馨號蘭石性狷介有古人風萬曆戊子鄉舉署吳縣教諭遷廣西臨桂令以剛正不能媚上改靈川課士興學訟庭如水終以不諧世乞歸行李蕭然桂人思而祀之

周希聖字惟學號元汀父佐母氏劉坐月下見一鶴集於懷生希聖幼秀穎不羣諸生時爲文已稱雅宗萬曆戊子舉於鄉明年成進士合華陽有呂某斃其兄而嫁禍於鄰人獄成數年直指者慮囚邑中希聖疑焉告於神夢得斃兒狀與其凶器巨鞫之立服且出鐵鈕血痕衣證之鄰人得釋去某藩王子出遊豔一婦擁之歸而擊殞其夫希聖請於王曰殺人有常刑且羅敷自有夫也盍歸諸否則某以官殉矣王恐甚出其婦並懲其子焉邑故有官扇之供零陵縣志

卷九

人物

仕蹟

完

歲費不下十餘萬邑以大困希聖出俸佐之猶不支爲之不食而泣曰爲令而使民坐困何以令爲哉秩滿擢山東道御史適有倍取官扇之命某端促所司甚迫希聖聞之撫膺太息曰蜀困矣今又倍之予合蜀時所不食而泣者今乃默然耶具疏極言以是謫灌陽典史故相陳于陛贈以詩且曰予蜀人也予不言而公言之敢不拜就道赴官未幾告歸家居十八年未嘗竿牘當路會溫陵李相當國諸門人無不以割幣爲地者希聖獨否李愈重之薦起太僕寺丞轉尙寶丞踰年以光祿卿出典陝西試丙辰冊封益藩還爲右通政適主爵以劄報周金壇巡撫之託誤投於希聖封還之主爵感之請以蜀撫酬不可曰朝廷官豈人臣報德地耶晉南光祿卿熹廟登極改南大理卿明年

爲南刑部侍郎齊庶人後睿鑑與陳鼎相謀不軌希聖折其謀東南賴以不擾且平反其株累者甚眾考滿晉南戶部尚書無何奸璫魏忠賢專政楚人楊忠烈公連上疏摘奸希聖與楊深交楊得禍而希聖以正色不阿卓立南都一時正人君子倚以爲重璫人伺其過不得矯旨削尚書籍家居閉門不通賓客崇禎元年起用名德舊臣方注名用希聖而希聖堅卧不復出年八十五卒祀鄉賢有四子長自稷以蔭爲順天府通判次自發自太白公俱庠生食餼

屈之乘字德甫號鍾湘萬厯辛卯鄉舉壬辰進士厯官工部員外郎以剛傲忤時放歸初任饒州府推官有客民汪某妻爲里豪計掠之且匿其踪有司前後推按無所得之

零陵縣志

卷九

人物 任蹟

辛

乘卒以策捕治之郡中以爲神甲午分校四川鄉闈丁酉江西庚子廣東所得皆名俊成進士者十三人如楊楷邨士毅傅宗皋胡世賞等皆當代名臣時服其藻鑑焉

鄭惟惠字宇心少負才譽性友愛兒子宗周蚤孤慮其廢學凡出入攜而誨之卒成名析產輒取其瘠者以萬厯丁酉鄉舉授廣西賀縣合爲政清約條陳馬政田糧諸便宜當路悉採行之賀故有關稅前主者多橫征潤私橐惟惠至一遵定額商賈便之然竟坐此忤理官意幾爲所螫遂告歸生平多隱德有東安民某女幼爲人掠賣凡數轉得抵永能道其里居惟惠爲捐贖之跡其父母歸焉後惟惠晚而得子里中以爲義報

章惟一守中萬厯甲午鄉舉授遷江合五載法行惠流

治行第一以不阿上臺意調遠爲曲靖府通判至卽署府篆釐奸剔蠹朞月而政行吏憚其威民歌其惠曲靖稱神君焉

蔣向榮字澹心萬曆壬子舉人已未進士爲人孝友篤至父遇春爲汝甯學諭致仕歸囊橐蕭然向榮侍養必具甘旨衣冠肅立食罷始退自食惟饘粥而已爲孝廉時躬爲父濯足父曰吾足非仲子濯不快也選大名令甫莅任吏有以白鏹進者曰初至時需費請以是供向榮曰吾窮諸生才一仕何以償此吏曰是無庸償曰若是則國賦也余自讀書時早以潔己愛民爲心豈服官而遂忘之汝將以此嘗我耶叱去之廉其奸狀卒抵於法一邑肅然有武甲者讞辟凡二年知其寃爲力請得減等居官三年興學校

零陵縣志

卷九

人物

仕蹟

五

課農桑捐除煩苛邑以大治調繁南樂是時魏某秉政在告其僕以私負請責於縣向榮曰予爲天子吏理民非爲相臣僕理逋也明日謁魏某白之魏戒僕曰縣君正人君子也慎毋以事擾之民侯華者偶以言逆母母訟之向榮曰汝子幾何曰止此耳躊躇久之曰令教民者也而使階除下有不孝子不德孰甚乃置華於獄且閉閣自劄責欲解印綬去邑人聞之至獄責華華涕泣痛自悔邑人皆代請出諸獄而坐母於庭乃杖華俾拜謝母母子相持大哭觀者咸泣由是華卒爲孝子邑大旱齋戒步禱凡七日而雨降心邑則否大名亦旱復迎向榮禱雨亦如南樂人謂之蔣公雨御史左光斗知向榮薦之疏中有舉止敲金夏玉丰神翦水裁雲釐弊一新歡騰萬口語召爲吏部考功

司主事轉文選司遷驗封員外郎陞稽勳司郎中有以恩
廕進者謀優擢賄門吏以黃金二百雜蔬菜進向榮不視
其刺竟麾之去當魏閣專政吾楚多忠諫者並發其奸故
瑞憾楚人尤甚其得禍最烈御史吳裕中廷杖劄甚向榮
夜至其寓吳手六百金屬遺其母吳卒向榮攜金付其家
且爲經理後事因歎曰邪正不兩立余卽捐軀廷爭徒觸
瑞怒終無益人國耳屢疏始得告歸迨閣誅朝中推向榮
起領選事而向榮已卒矣著有葯房集有四子本隆本昌
本大皆餽於庠季子本生癸卯舉人

鄧起鴻字子漸號磐石性穎慧博涉經史萬曆乙卯選貢
辛酉考銓部第一授瑞州判方入境戒從者勿言及入城
而迎候者猶不知也恪慎嚴明有治聲故例凡願息訟者

零陵縣志

卷九

人物

仕蹟

五

議緩贖若干起鴻一切除之嘗代理新昌高安二邑有羨
餘皆不受而舉以予民民甚德之時臺檄督漕運起鴻以
歲暮民力不堪乃釋獄中逋戶而自貸邑巡檢鄭某四百
金以償之病卒於官囊橐蕭然人士悼之子孫曾皆有聲
庠序

周自修字玉相西隅里人天啟癸亥拔貢通判四川眉州
時解京餉道宜昌城宿遇火迫甚乃叩頭呼太祖高皇帝
再四忽大風偃火他向至襄城分道舊例皆西行自修以
夢警獨東無何流賊自西至得避去蓋相距不五十里也
以轉輸功陞行都司經歷權威遠縣時軍需繁多倉廩告
匱歲旱而饑流民載道自修禱於天得雨饑不爲害民歌
頌之權丹稜縣至卽條十二款以蘇民困除吏蠹臺省嘉

納之方題授丹稜而部選者已出自修即致仕歸時崇禎十年蓋已知國事之不可爲也

陳銓字秉衡號月山少穎悟年十三周覽經史爲文矯健成化七年以禮經魁楚闈又十年成進士授內江令行取拜陝西道御史尋以憂歸起補北畿御史執法整肅典江浙兩省試稱得人出爲四川副使致仕歸子襄亦以習禮中選五世孫棟字子隆稱淹博尤精於禮以明經司訓黃梅陞肅寧令多惠政告歸時人稱爲禮經世學云舊志載馬端肅文升出外端肅正人豈可妄劾一言之累傳於無窮可畏哉職是列之仕蹟

國朝

王盛德字方樹號補村進賢鄉人康熙丙子舉人知廣東河源縣祖復仁父上晉均廩生盛德幼慧十六歲入泮二

零陵縣志

卷九

人物

仕蹟

三

十五鄉舉長於詩兼工書法博學多能任河源凡九年修文廟設義學躬親造就人文蔚然邑地勢窳下多水患盛德修渡以濟涉者俗輕生或有圖於人不遂則服毒死於其家因坐累之盛德爲詳臬司刊碑禁其事且申反坐律前習頓革歲早禱城南浸珠塘雨立降民爲建豐樂樓以誌不忘生員劉鈺家妖作祟爲文牒城隍神妖遂息調署長甯邑多箐薄時聚盜民苦其劫掠盛德至卽請兵率以討之盜息而民安及歸送者號泣不絕於道著石園詩稿豐樂樓集簿餘隨筆遊屐紀畧嘗分校廣東鄉試又有粵闈雜詠等作子藻乾隆癸酉拔貢官保靖學亦以詩文書法著名莪附貢生蔡太學生萊邑庠生

睦文煥字樸莽居旻山人以旻山稱之祖燭昕父元旦文

煥少孤母氏蔣旣嬰疾文煥禱於神請減已算以益母壽疾旋瘳讀書日數萬言爲文刻晷立就肄業湖湘書院屢試冠其曹雍正戊申應孝廉端方之舉大挑一等以知縣分發江南實授桃源調嘉定時母年八十一兩弟俱亡遂乞歸養更字萊園取斑衣戲綵之意凡任桃源九年嘉定三年而歸翺置學田爲後人讀書計刊湖湘書院課藝其雙鵲堂賦勸民歌十則俱載桃源縣志方初莅桃源也庚戌六月河水驟漲及城西人民漂溺文煥檄船救之隨請賑明年又加賑且多設糶廠以便窮民全活甚眾嵇文敏曾筠築黃河運河堤文煥往來烈日中躬自程督時有言文煥所修不實者曾筠廉其誣欲罪誣言者文煥曰此我不足見信於人也於彼何尤聞者服其雅量丁巳夏大旱零陵縣志

卷九

人物

仕績

五

與主簿孫兆震禱雨至鄉庭雨大沛民飲之酒因額其亭曰醉雨亭癸丑五月蝗捕之不息爲文詞禱之蝗僵死其鄉建書院置義塚造舟楫橋梁冬日製棉襖施貧民迄今桃源人尚指數之子曰培宿遷縣巡檢日壇候選縣丞周昌德字紹文號紫谿祖江墟人雍正己酉舉人乾隆丁巳明通進士任益陽安福縣教諭選浙江武義知縣兄弟凡八昌德晚出生時母以家貧艱於養欲溺之嫂匿而撫之生之前夕有綵輿紅傘之兆故嫂護之尤力幼穎悟過人府試拔第一後以五經舉於鄉工詩善書法知武義時乾隆癸酉旱且荒邑城久圯昌德爲請於上城之以工代賑更糶倉廩濟之民多全活告歸居家事嫂如母廉俸所入率均之弟兄晚移居祁陽之浯溪年八十五卒

蔣鳳色字來儀號梧岡雍正乙卯舉人任江南東流知縣祖本姓鄧自祁陽徙零陵出繼蔣遂更姓焉父漣一夜夢老人抱兒於懷曰上帝察汝純孝以此賜汝生穎異工文詞既仕先署池州通判繼授東流後署建德青陽貴池各巨獄平反冤抑嘗云讀書無補於世居官無益於民吾恥之任東流以修庠序端士習爲先務建書院延名師課諸生暇則親爲訓誨文風一變其教民也於每鄉立公所至農隙時親往訓之約以孝弟力田爲務閒遊荒業者爲戒民感其意不輕犯法以瞻顧同僚受累罷任曰事當萬難處時不妨人我俱困若獨自使人何以堪先是東流巡檢某卒於官貧不能辦喪資助之使北還其篤友誼類如此及歸士民餞送者數百人敏於爲文有竹實齋稿行世子

零陵縣志

卷九

人物

仕蹟

五

大鵬乾隆乙酉拔貢大鳴歲貢大鵬大鴻皆讀書有名周廷高字東郊號畏菴進賢鄉人乾隆辛酉拔貢考取左翼覺羅教習與修輯經史議敘判直隸開州起父艱補兩淮鹽運司經歷署西安府鹽捕同知年七十謝病歸卒年八十一初雍正六年廷高以孝友端方之舉膺六品時母蚤歿獨迎養其父勤職愛民能推其孝思仕開州有冒至聖裔孔姓者行跡可疑搜其懷得數訟曰此敝民善刀筆者也據供移曲阜知其詐重懲之河決陽武口廷高冒雨行要害報大吏曰水當至某處其捍禦當於某處大吏如其言堤既成日大水至皆如所擬明年蝗旋捕旋生廷高爲文禱劉猛將軍廟翌日蝗盡死復大雨滌其腥穢其官鹽場也有報旱不成災者廷高奉臺檄履勘得其實某官

請代爲曲護如所報高曰如民困何卒以實告民獲賑卹
在西安時嘗以災報而格不得賑卹太息不自勝其署同
知嚴行保甲謹城門倉廩之守而盜侵絕跡武弁嗜酒而
暴者褫之惰者懲之於是舊習頓除告歸家居所得廉俸
胥均之弟姪其時已析產久矣當除夕宴會時其弟姪請
獻田爲養老計廷高辭不受色怫然弟姪遂不敢言生平
好學不厭在官課諸生家課子弟工書法人求之多應以
先正格言曰吾服膺久不忘也著有畏葸時藝十卷詩鈔
四十卷雜文二卷子二一郡庠生一邑增生皆能文工詩
善書法

賀義鳳居城西由行伍任嘉禾汛把總性耿直喜爲人平
爭衅知府應先烈建濂溪書院立誠堂義鳳力贊襄之以
零陵縣志

卷九

人物 仕蹟

五

此爲士論所重年七十四卒

王金粟字香亭在綬子冷水市人性明通能任事鄉有爭
論輒省其曲直立剖析之事以寢息以縣丞分發廣西署
六寨時有富民海某與張某訟海有子聘張女以張之貧
也構訟欲却其婚金粟廉得其情海託人獻巨金拒之次
日庭鞫責以大義海畏服遂爲其子完姻以循績陞知縣
歷署陽朔永福靈川等縣甯明州知州授崇善知縣所至
有聲如署六寨時年五十餘致仕歸七十九卒

李榮賜號懋臣世居西鄉黃泥橋其父以賈遷甯遠柏家
坪榮賜體狀魁梧性警敏嗜學弱冠補弟子員旋食餼慷
慨有才畧能任巨艱咸豐二年粵匪竄道州榮賜挈家還
零知府黃文琛一見器之屬辦團防九年知府楊翰令遊

軍需遇事不尙操切而事無不治人樂從令論功保知縣
加同知銜旋以知縣試用廣西代理梧州府岑溪縣事岑
溪地分七鄉時賊已據其五方代理檄下同僚皆危之蓋
岑溪不治已七年矣榮賜毅然赴任恩威並用久之強者
服弱者懷而岑溪遂大治後以保格引 見調補泗城府
凌雲縣其得士民心亦如在岑溪時同治九年卒於任

流寓

漢

胡騰桂陽人少以學行稱慷慨激烈有古俠士風大將軍竇武舊門下士也及武以謀誅中常侍曹節等不克死親族悉被夷門生故吏不敢過問騰獨爲之殯殮發喪成服人皆危之騰不顧復乘間與令史張敞匿武孫輔於他所攜之遠竄逃於零陵僦屋以居詐云已死以爲己子而聘娶焉輔後舉桂陽孝廉竇氏之祀得延騰之力也

唐

柳宗元字子厚其先河東人少精敏絕倫爲文章卓偉精緻一時輩行仰推第進士博學宏詞科授校書郎調藍田尉貞元十九年爲監察御史裏行王叔文章執誼皆奇其零陵縣志

卷九

人物 流寓

五

才及得政引與計事擢禮部員外郎欲大進用俄而叔文改貶邵州刺史半道貶永州司馬宗元旣竄斥地又荒瘠因自放山澤間其湮厄感鬱一寓諸文又做離騷數十篇讀者咸悲惻雅善蕭俛又善京兆尹許孟容貽書自明初志冀立仁義裨教化而所與難強爲善遂致獲罪不能自明望放還田廬埽瑩域然眾畏其才高懲刈復進故無用力者宗元常病漢宋符命之辭多失正吳武陵趣著書一篇號貞符以明唐德訖不見召悔念往咎作賦自懲曰懲咎永州江岸有螭患爲文愬之患遂絕郡多火災復爲文除火鳥人以比韓氏之驅鱷焉品題山水成八記遂以勝蹟名天下元和十年徙柳州刺史時劉禹錫得播州宗元以禹錫親在堂不忍其母子永訣卽具奏欲以柳州授禹

錫而自往播禹錫以是得改連州柳俗以男女質錢過期不償沒為奴婢宗元設方計悉贖之南方為進士者其文章皆以宗元為師宗元少時謂功業可就坐廢不振竟以謫終然治邊徼捍災患廉潔誠和沒有遺愛迄今愚溪祠羅池廟民猶祀之如方社云

案子厚為永州司馬非零陵所得專舊志入諸石宦殊失

限斷然其遺蹟實在零陵而邑人畧識字者文未嘗不稱頌其姓名置而不錄誠為遺憾今改歸流寓似兩得之

吳武陵信州人元和初擢進士坐事流永州先是吳少陽聞其才遣客鄭平邀之將待以賓友武陵不答俄而陽子元濟叛武陵遣以書元濟不悟朝廷用師討蔡州武陵自硤石望東南氣如旗鼓矛楯顛倒橫斜少選黃氣起西北蟠蛇相交武陵告韓愈曰今西北王師所在氣黃白喜象零陵縣志

卷九

人物

流寓

五

也敗氣為賊曰值木舉其盈數不過六十日賊必亡矣師克元濟卒如所言武陵居永時柳宗元賢其人謫居無慘日以吟咏相贈答後北還大為裴度器遇時宗元已量移柳州每言宗元無子柳瀕西原蠻多寇患宜代以武人又言之於孟簡曰子厚之斥十二年矣雷砰電射天怒也然不終朝豈有聖明在上而羣世怒人臣邪武陵後歷官至刺史亦以貶終

柳子厚有秋初夜坐贈吳武陵詩見本集

李深源字幼清

或云幼清其名

元和二年移置永州與柳宗元友

善

柳州有同吳武陵贈李睦州詩序見本集

元克已侍御史謫永州與柳宗元友善

李渭官職未詳曾謫永州後柳宗元移柳州渭赴京師作序送之

柳宗直字正夫宗元從弟也其行次曰十郎宗元第八生有志氣好善嫉邪勤學成疾三年卒於永州著西漢文類石門精舍有題名時宗元族人又有柳謀柳澥柳謀宗元同高祖舅弟好經書盛爲文詞舉進士棄去爲廣州從事佐昌州有名薦舉至御史免歸江陵過永州爲宗元留信次宗元視其貌益偉問其業益習叩其志益堅柳澥宗元族子嘗南省宗元宗元稱其質厚敦樸其文甚富比歸爲文送之

虞遵涿人柳宗元內弟性謹慎學問不厭孝敬忠信拳拳焉由其中出自宗元之斥遵從而家焉居五年未見有言行之過逮其死不去韓愈嘗稱之時宗元親故又有段宏古婁圖南元集虛崔策楊誨之辭巽杜周士及趙生謝山零陵縣志

卷九

人物

流寓

李

人楊呂師郭爭師諸人段宏古澧州安鄉人讀縱橫書剛峭少合與人交非義輒去爲呂溫客溫卒南見柳宗元言於永州崔能知其賢徼之至與宗元會北堂宴南軒交甚篤尋南訪竇羣死於桂崔能致其喪來永州厚賻而歸葬之婁圖南師德曾孫有詩名通羣書寓居永州開元寺好談元理嘗與柳宗元讌飲歌咏呼之曰二十四秀才後之淮南入道元集虛河南人嘗爲協律郎人以十八山人呼之閔曠質直其學恢博通老氏至永州與宗元遊留月餘去南歷營道觀九疑崔策字子符行九博陵人柳宗元姊壻崔永州簡之弟也爲文本孝弟於理道簡流驩州策爲訟寃簡死厝永州策還顧其幼孤往復萬里宗元嘗與之登西山焉楊誨之憑之子也憑貶臨賀尉誨之往省過永

州宗元以其人過剛作說車駕贈之弊吳朗州判官自運
赴任過永州柳宗元爲序送之又永州司功參軍譚隨宗
元亦稱其謹愿好德云杜周士桂管觀祭使留後好百家
言過永州柳宗元吳武陵皆送以詩趙生佚名柳集作天
水人文翰端麗宗元宦永三四年亟見之謝山人楊呂師
郭爭師皆同宗元遊郭死葬永州北岡

南承嗣魏州頓邱人父壽雲事張巡爲將死節睢陽贈開

府儀同三司揚州大都督承嗣七歲卽授婺州別駕歷刺

施濟二州永貞元年劉闢反承嗣拒敵以乏軍儲謫居永

州量移澧州長史柳州有送南涪州量移澧州序見本集

廖齊不知何許人父爽直嘗爲永州刺史齊後遊零陵於

民間見父題壁感而成詩詩云下馬連聲叩竹門主人何

零陵縣志 卷九 人物 流寓 空

事感遺恩回頭泣向兒童道重見甘棠舊子孫

宋

范純仁字堯夫仕至尙書右僕射哲宗既召章惇爲相純
仁堅請去遂以觀文殿大學士加右正議大夫知穎昌府
又徙陳州初哲宗嘗言貶謫之人殆似永廢純仁前賀曰
陛下念及此堯舜用心也旣而呂大防等竄嶺表會明堂
肆赦章惇先期言此數十人當終身勿徙純仁聞而憂憤
欲齋戒上疏申理之所親勸以勿爲觸怒萬一遠斥非高
年所宜純仁曰事至於此無一人敢言若上心遂回所繫
大矣不然死亦何憾乃疏曰大防等年老疾病不習水土
炎荒非久處之境又憂虞不測何以自存臣曾與大防等
共事多被排斥陛下之所親見臣之激切止是仰報聖德

向來章惇呂惠卿雖貶謫不出里居臣向曾有言深蒙陛下開納陛下以一蔡確之故嘗軫聖念今趙彥若已死貶所將不止一蔡確矣願陛下斷自淵衷將大防等引赦原放疏奏忤惇意貳為同罪落職知隨州明年又貶武安軍節度副使永州安置時疾失明聞命怡然就道或謂近名純仁曰七十之年兩目俱喪萬里之行豈其欲哉但區區之愛君有懷不盡若避好名之嫌則無為善之路矣每戒子弟毋得小有不平聞諸子怨章惇純仁必怒止之江行赴貶所舟覆扶純仁出衣盡濕顧諸子曰此豈章惇為之哉既至永韓維責均州其子訴維執政日與司馬光不合得免行純仁之子欲以純仁與光議役法不同為請純仁曰吾用君實薦以至宰相昔同朝論事不合則可汝輩以零陵縣志

卷九

人物 流寓

奎

為今日之言則不可也有愧心而生者不若無愧心而死其子乃止居三年徽宗即位即日授純仁光祿卿分司南京又遣中使至永賜茶藥諭曰皇帝在藩邸太皇太后在宮中知公先朝言事忠直今虛相位以待不知目疾何如用何人醫之純仁頓首謝因乞歸許養疾尋卒諡忠宣附張栻遊東山記 歲戊寅夏四月己亥弋陽方疇廣漢張栻酌饒東平劉芑於永之東山久雨新霽天朗氣清步上絕頂山色如洗相與置酒於僧寺之西軒俯仰庭戶喟然而嘆曰噫嘻此相與置酒於僧寺之西軒俯仰坐皆悚然起而問之零陵張公飾曰公居此時某始年十三四某之先人辱為公客故某亦得侍公公時已著目疾手執寸許玉用以為摩按某未之識也則亟視之旁有疾小兒誑曰此石也公愕然曰非也此之謂玉嗚呼誠至於小兒欺孺子則公氣象可想矣坐客皆咨嗟公飾又曰公居此西偏為屋僅三十楹蓋與寺僧鄰也諸孫皆尚幼它日與寺僧戲僧愚無知至相詬罵直行過公前謝亦卒無一言待之如初承之士間有得進見公者循循親加訓誘一日坐定有率爾而問者曰范某於相公

爲何親蓋斤文正公之名時二子正平正思侍旁悚汗
恐懼公感頰久而曰先公也言者大恐已而復以溫詞
慰其心後亦與一日相見不絕公之度量雖曰天與其
以成之與又邪或曰坐客問曰郡士之登科者皆歸矣而
某人獨未歸邪或曰試學官也公愀然曰吏事近民精
心於此學之要也始登科顧求從便安邪凡公言簡而
深足以垂世立教大率類此自奉極儉約士從諸子遊
者時命之飯不過蔬三品彘不掩盤後有客至即以
分餉不復更益某年幼所記公如此復得而見矣而有
客相與言曰江山如昔公不可復得而見矣而有如公
飾者尚及見公所記之詳如此豈易得哉而斯軒也經
兵火燬燼之餘屹然獨存吾曹晚生亦與聞公之言行
又豈偶然中庸曰君子動而世爲天下道行而世爲天
下法言而世爲天下則孟子曰聞柳下惠之風者鄙夫
寬薄夫敦於公其信之矣抑嘗記棫庚午歲來永時寺
僧有法賢者年八十餘矣爲棫言范丞相居此某時爲
沙彌每見公遇朔望必陳所賜書及物列於堂上率家
人子弟再拜伏聞嗚呼公之不忘君父至此所謂在廟
堂之上則憂其民處江湖之遠則憂其君文正公之心公
得之矣

司馬朴字文季溫公兄安州之孫也少育於外祖范純仁

紹聖黨事起父宏上書論辨得罪純仁謫永州疾失明客

零陵縣志 卷九 人物 流寓 三

至必令朴導以見時方七歲進揖應對如成人客皆驚歎
以純仁遺恩得官父喪徒跣扶柩還欽宗時至兵部侍郎
隨二帝北狩徽宗之喪持服朝夕哭金人憐其忠不問授
之官不受卒訃聞臨安贈尚書諡忠潔

沈遼字睿達錢塘人熙甯中以太常寺奉禮郎監杭州軍
資庫忤部使者以夙恨文致其罪下獄奪官流永州

黃庭堅字魯直洪州分甯人治平中兩首鄉薦登進士第
元祐元年除修神宗實錄院檢討官紹聖初議者言神宗

實錄多誣失實召至陳留問狀三問皆以實對責授涪州
別駕黔州安置徽宗卽位召爲吏部員外郎辭疾不拜上

章乞郡得知太平州到官九日而罷寓居江夏初自涪歸
道出江陵作承天院塔記其畧云儒者嘗論一佛寺之費

蓋中民萬家之產實生民穀帛之蠶雖余亦謂之然然自省事以來觀天下財力屈竭之端國家無大軍旅勤民丁賦之政則蝗旱水溢或疾疫連數十州此蓋生人之共業盈虛有數非人力所能勝者文成府帥馬城飯諸部使者於塔下環觀先生書碑尾但書作記者黃某立石者馬某而已時閩人陳舉自臺出漕先生未嘗與交也舉與李植林虞相顧前請曰某等願託名不朽先生不答舉繇此憾之知先生與趙挺之有怨挺之執政遂以墨本上之誣以幸災謗國遂除名羈管宜州攜家南貶泊於零陵獨赴貶所越三年徙永州未聞命卒年六十一紹興初謚文節鄒浩字志完常州晉陵人第進士教授穎昌范純仁屬譏樂語浩不可上疏請澄清人材元符元年除右正言二年

零陵縣志

卷九

人物

流寓

齋

立劉氏爲皇后上疏力諫乞斬章惇忤上旨奸婢申傷遂除名勒停監管新州徽宗卽位復除右正言左司諫遷兵吏二部侍郎以寶文閣待制知江甯府徙杭越初浩還朝帝首及諫立后事獎歎再三詢諫草安在對曰焚之矣退告陳瓘瓘曰禍其在此乎異時奸人妄出一緘則不可辯矣蔡京用事素忌浩乃使其黨爲僞疏言劉氏殺卓氏而奪其子遂再責衡州別駕流轉永道間明年除名勒停昭州居住崇甯五年復承奉郎歸常州大觀四年復直龍圖閣瘴疾作遂卒高宗立贈寶文閣直學士謚曰忠

范祖禹字滄甫華陽人舉進士從司馬光編輯資治通鑑居洛十五年光薦爲秘書省又遷翰林學士爲諫官極言廷諍紹述覺作章惇將入相祖禹極言其不可出知陝州

言者希愔意論其實錄詆誣安置永州又徙廣西而卒子
冲字元長侍父至永諸巖皆有題記高宗時命重修神哲
兩朝實錄一正京卞之誣以龍圖閣直學士奉祠卒
章縝浦城人棗之第六子競判蘇州蔡京復相力傾章氏
誣棗諸子私鑄錢窟縝永州

陳與義字去非號簡齋靖康時監稅陳畱避亂流轉湖湘
南踰嶺嶠嘗過永多留題咏後仕至學士

汪藻字彥章饒州德興人崇甯二年進士初王黼與藻在
太學同舍不協終黼之世不得用欽宗時官起居舍人高
宗立召試中書累遷翰林學士一時詔誥多出其手士大
夫傳誦以比陸宣公權臣樹黨除不附已反論以王黼客
奪職居永州十二年作玩鷗亭記以見志更四赦不得還
零陵縣志

卷九

人物

流寓

七

永人爲立祠祀之秦檜死復官徽宗實錄成追贈端明殿
學士著浮溪集傳於世同時貶永者有李德升席大光皆
與浮溪唱和未幾召還

張浚字德遠綿竹人紹興七年丁巳爲秦檜所憾罷都督
以秘書少監安置永州十五年乙丑浚因星變欲力論時
事以其母許氏年高言之必被禍恐不能堪許氏見其形
瘠問之浚具言所以許氏誦其父咸紹聖初制策曰臣甯
言而死於斧鉞不忍不言而負陛下浚意遂決卽上疏極
言當今事勢如養大疽於頭目心腹之間不決不止時秦
檜謂已太平諱言兵事見之大怒合中丞何若榘劾之遂
貶連州二十年庚午復起永州檜必欲殺浚以其死黨張
柄知潭州與郡丞汪名錫共伺察之二十五年乙亥檜死

召復其官時浚有母喪將歸葬會星變詔求直言浚念天下事爲和議所移邊備蕩弛自以大臣義同休戚不敢以居喪爲嫌乃上言金人數年間勢必南侵而吾方溺於宴安莫爲之備沈該乃俟高居相位尤不厭天下望乃俟高湯思退大怒復安置永州三十一年辛巳陳俊卿上疏極言浚忠蓋帝悟乃復召判建康浚起廢復用風采隱然軍民皆倚以爲重浚三請於永前後十載與學者講誠一之學一時翕然向風在永有書數笈或誣爲謗書詔錄上皆愛君憂國之語孝宗隆興二年又罷都督府判福州浚行次餘干得疾手書付二子栻杓曰吾嘗相國不能恢復中原雪祖宗之恥卽死不當葬我先人墓左葬我衡山足矣

卒贈太師追封魏公

縣志

卷九

人物

流寓

矣

張栻字敬夫浚之子也少師事胡宏一見卽以孔門論仁親切之旨告之退而有得宏稱之曰聖門有人矣栻益自奮以聖賢自期作希顏錄以蔭補官辟宣撫司書佐除直祕閣初孝宣卽位浚起謫籍開府治戎參佐皆極一時之選栻時以少年內贊密謀外參庶務間以軍事入奏請充振作之心無使少息孝宗異其言魏公薨後屢上書大畧以圖恢復必先感格天人先後數千言病將死猶手疏勸上親君子遠小人信任防一己之偏好惡公天下之理天下傳誦之卒年四十八附葬於衡山學者稱南軒先生追封華陽伯謚曰宣從祀孔庭嘗侍父至永州與永之士大夫講學多聞其教而成德者

胡銓字邦衡廬陵人建炎二年獻策得上第除辟多不赴

呂祉以賢良薦除樞密院編修紹興八年秦檜主和銓抗疏請斬檜絕金正氣振天下金人尚傳誦其文檜初意欲

殺之以時望除名編管昭州改簽書威武軍判官羅汝楫

張逮希檜旨痛訐歷謫新州吉陽檜死始量移自便案府舊志

於移衡州之前載其徙永州而宋史不載然劉芮為方疇

作困齋銘謂齋名乃銓所題華嚴巖又刻有銓所作亦樂

堂詩記計在量移之後當由粵赴衡取道零陵與張方

諸正人聚晤徙雖誤紀述實經遊不可以暫而不傳也

方疇字耕道上饒人建炎初與胡銓同榜進士以忤檜去

國十四年通判武岡平溪蠻紹興二十四年以通銓書謗

時政被論謫居永州名其所居之堂曰亦樂識者賢之

滕康 人建炎間從衛隆祐太后以金兵逼奉太后越

虔州朝議以涉險論之責授分司南京永州居住

王襄初名甯更名宓鄧州南陽人擢進士第以言事忤王

零陵縣志 卷九 人物 流寓 七

黼高宗即位命知河南府以入援迂緩降甯遠軍節度使

永州安置卒

董居誼字仁甫臨川人甯宗嘉定九年制置四川唐進以

兵十萬來歸拒郤之官至侍郎以張福之亂責居永州有

羣玉山記

元 方志道浙江人遊零陵高溪時方修高風亭志道作詩紀

之 明

王守德鳳陽人洪武十七年舉人材為衡州通判任六年

遷廣西慶遠知府皆有循譽及引退歸橐蕭然舟過永州

愛其山水因僑寓郡北郊釣遊於司馬塘石角山之間樂

而忘歸因遣長子有昌還故里守邱墓而已與次子自昌

卜居焉

宗續辰府志云王氏譜自昌生二子長曰文由選貢任夷陵州學正遂居夷陵次日武由郡城遷於冷水市武之子三日通進達通進之裔極蕃衍為衣冠族達房他徙失攷

楊廉字方震豐城人早以文行稱成化中父崇守永州廉隨侍浯溪有題刻後為給事中多所糾劾嘉靖初遷尚書以議大禮乞休廉與羅整庵為居敬窮理之學其文皆根六經卒謚文恪

高瑤字庭堅閩縣人由鄉舉司訓荆門成化初抗疏陳十事其一言正統己巳之變宗社濱危使非邨王繼統則禍亂何由平先帝何由返六七年海宇安謐厥功不細乞追加廟號盡親親之恩章下廷議不決黎濬尤持之且謂非瑤所當言帝薄濬之誚感瑤之忠久之竟復景泰帝號後零陵縣志

卷九

人物 流寓

矣

知番禺有異政發中官韋眷通番事沒其貲為所中被逮士民泣送塞途謫戍永州釋還卒

顧璘字華玉號東橋上元人宏治進士正德初守開封忤璫謫全州後又巡撫湖廣性愛山水往來永州輒留題巖谷高情逸致脫畧軒冕流風可想也永郡學地址相傳為璘按部時所定云

唐順之字應德武進人永州守璠之子也生有異資洽貫經籍嘉靖八年會試第一授庶吉士改部郎轉宮僚免歸讀書陽羨山中十餘年倭寇正熾毅然任其事視師江浙巡撫南畿卒於軍順之志節學行俱卓犖尤服膺陽明王氏心師而力追之少時嘗從父來永州碑記之文多所撰作至今人珍護焉

章曠字子野華亭人崇禎十年進士初知河陽州居湖湘
十數年後歷湖北巡撫以督粵餉寓永州半載為人慷慨
有志畧與士卒同甘苦部下軍將樂爲之用以降將烏合
多桀驚難用國事無可爲憤鬱成疾丁亥八月卒於永州
王兆熊福甯人自號漫士官吏部稽勲主事後轉郎中兼
御史太僕少卿奉使往蜀順治四年夏道經零陵 大兵
入城邀於黃溪之明月庵自以八世受國恩義當死作絕
命詞數首是年八月二十三日絕食踰月遂卒命從者以
衰經殮瀕死自題云不辱國不辱身不辱祖父吾知免夫
何媿心何媿理何媿中邦夕死可矣事紀庵碑乾隆間邑
士雷輝鄂請立祠不果行附邑人艾承恩弔王太僕詩
當時命阻征輪獨肩烽煙不
顧身蜀道青天遲使節楚山明月泣孤臣黃溪舊髮空
華表碧雪哀詞染翠珉皎日自期甘絕粒芳聲何媿晉

零陵縣志

卷九

人物

流寓

矣

遺民

錢邦芭字開少丹徒人少爲諸生詩文與艾南英張溥徐
孚遠陳子龍齊名由翰林歷官御史時楚宗人朱容藩僞
稱監國天下兵馬副元帥擅居夔州邦芭傳檄討之遠邇
響應卒就夷滅孫可望據黔欲官之不從乃髡髮爲僧號
大錯未幾復還其姓氏寄跡湘中 longest 康熙八年冬邦芭
偕永州戴守劉作霖游九疑居零月餘次年永州太守劉
道著以書幣至衡聘修郡志復介其友人施子緩宜自挈
舟迎之邦芭乃至志成邦芭序之曰芭幸廁諸君子後樂
觀其成復何能贊一詞然至於筆削黜陟不敢阿諛徇俗
苟且塞責以是報知己庶幾可矣亦可見其用力之勤焉
邦芭賦性嚴正與人處無失言失色學問淵博尤長於易

所著書凡二十餘種梓行於世卒於寶慶其友王天谷葬之衡山集賢峯下

國朝

李日升號巽庵福建安溪貢生積學修行著有讀老牖窺舉慈儉讓三寶以教子孫化鄉俗弟日烜康熙初任永州鎮日升訪弟至零每與人講道論學莫不愛敬後曾孫清英嘉慶初宰零邑有循聲

袁枚字子才錢唐人由翰林改官江南歷知沐陽江甯諸縣有惠政年三十三即引退所著書甚多以文名照耀天下國家中葉以前言詩者羣奉新城為大宗自隨園集出能繼其響枚善言情老嫗能解海內靡然從之至於家有其書詩名之盛一時無與埒者乾隆初枚就金中丞鎮

零陵縣志

卷九

人物

流寓

卅

於廣西過永留題時年未冠也後五十年復為粵遊歸途道出零陵值婁東王宸為郡守宸風雅好客工畫山水名與四王相抗枚喜為留經月導遊諸名勝殆遍白髮朱履見者目為神仙每游歸坐修廊垂畫簾几案排列燒雙樺燭一作畫一題詩溪山賓主兩相遇合極一時文醺之盛至今零人猶稱述之附過永州題王蓬心太守小像詩蓬心先生舊相識同看榮花蔣柳宅分手於今十八年一朝相見心茫然出圖命我題其像我覺精神比前旺美君還看花容愧我空留種菜狀我從桂林來逢山脚必到知君領永州昏黑還停棹山為太守召游人君為羣峯作引導名山名士一時兼心得所好口欲笑銛錡潭綠天庵公子陪儂次第探君贈畫我題詩彼此居奇交易之吁嗟乎我與先生雙白頭此詩此畫俱千秋

蔡文山不知何許人以嘉慶初來零陵狀貌魁奇衣冠甚偉入城日暮僕竊其行李去獨坐鐘樓下惡少利其多挾

導至某姓者止宿故倡家也夜分掩執之聞於官庭鞠不肯跪官無如何下之獄有駢體供狀一篇工麗絕倫人爭傳誦姓氏曰易無定名嘗作吾十有五全章題制義自署曰蔡文山人遂呼爲蔡文山云其人高才博學讀書一過曰終身不忘詩古文詞兼臻其妙邑人葉向時劉方璿程建蔣信等皆一時名士同攜酒餼執所業訪之獄中帙堆案上高尺許文山畧一繙閱卽置之眾疑其未盡視文山乃背誦諸作琅琅無一字遺評隲曲當間塗改一二皆出人意見羣驚爲天才在獄半年文士爭相就正文山決將來某登科某僅終諸生後無一人爽者次年正月祁陽合至郡聞其名請出之獄將延於署爲其子師半道遂逸去後不復見相傳文山方赴祁出城北門見有數十廢疾丐

零陵縣志

卷九

人物

流寓

十一

者呼於涂卽於輿中手擲一綯出白金大小百餘體體滿地眾丐爭拾之然莫識金所自來蓋隱曼而有幻術者與羅杰字柳村耒陽人鄉舉第一以古文明於時領解三藝嶽寄蒼莽洗盡八股恆蹊考官以韓歐復生許之榜發士論翕然推爲名元嘉慶七年爲羣玉書院山長履道甚嚴言笑不苟其教士之法惟以經史古文爲主謂從此精進上者可追踵韓歐以文傳世次亦不失時文正軌若徒揣摩風尚擷拾華藻或一發不得厥後遂無可繼學者初皆病其迂緩迄久乃知其言之不易主講四年造就甚眾至今講師法者皆推之

楊大章字伯含武陵舉人生負異才居山中縱讀經史於星歷皆無師傳而得之心悟尤精易理一以孔子之言說

易爲文章浩瀚無際下筆數千言詩歌好爲奇語似韓退之李賀嘉慶癸酉湯學使金釧錄入選貢又六年舉於鄉自丙子至戊寅主講零陵羣玉書院集同志訂香荅社討論先儒無虛日作學說示弟子其器推本蕺山劉氏證人之意謂學者學爲人而已欲希賢人以進希聖人當自希人始求副人之名必無媿人之實立論甚正篤信朱子見宗績辰稱象山陽明必力闢其非不爲苟同後主甯遠萬楓社設大幄坐生徒會講嘗爲山人服抱琴弄笛嘯歌巖谷間市人駭笑弗顧也道光二年客滇南陳學使鴻幕病而歸未幾卒於家年僅三十有九病革猶作三才一貫圖有志於道而所成止此朋輩咸痛惜之楓社學者爲設栗主祀稱曰海樵先生咸豐中湘鄉會文正國藩崇主心零陵縣志

卷九

人物

流寓

十一

鄧學博顯鶴所著也後應禮部試入都遂留不返歷官至山東運河道績辰以寓零最久每與人書必自署曰十三年瀟上寓客云

楊季鸞字紫卿甯遠人生有雋才學問淹洽尤長於詩詞少厭棄制舉業以古作者自命年未三十卽擅盛名湘中詞人未能或先也游京師執所業謁江西吳舍人嵩梁一見激賞之謂當以詩文代興由是名愈起時如程祭酒恩澤李侍郎宗瀚裕制軍泰皆以禮羅致之會故鄉諸老願尚存如安化陶澍長沙賀長齡善化李星沅相繼開府名區宏獎風流稱一代龍門折節與之交尊爲上客季鸞詩落筆清雄氣蒼骨重而旨意淵微是時湘中壇坫最盛黃孝廉本驥蔡孝廉以傅湯農部鵬何太史紹基諸人相與零陵縣志

卷九

人物

流寓

三

掉鞅馳逐極文酒賓朋之盛然各自謂弗如推季鸞執牛耳焉季鸞嘗四至京師東游吳越南踰潯柳足跡半天下歸主濂溪講席十餘年憫河東集無善本收亡糾誤爲重刊之板今藏柳祠中以書院頽敝言於當道改修規制闕廠拓舊址十之七成豐改元 詔求遺逸大吏以季鸞應久之授翰林院待詔六年卒於零陵

隱逸

晉

鄧璨少高潔與劉麟之尚公友善不應州郡辟會荆州刺史桓冲禮為別駕璨乃應召麟之謂璨曰卿忽改節吾失所望矣璨笑曰足下可謂有志於隱而未知隱之道夫隱在我而不在物是以朝市亦可隱麟之無以難之

唐

唐節性高潔為瀧水令去官家於瀧下自號丹崖翁元次山贈以詩嘗曰丹崖湖中水石之異者翁湖中得道之逸者詳見山水志

宋

唐如晦字幼光博通羣籍隱於鄉屢辟弗就易公被為題零陵縣志

卷九

人物

隱逸

七

其書堂曰善齋

王繪鄧章俱有才名胡安國提舉湖南學事有詔舉遺逸安國以繪與章應詔二人老不行安國請命之官以勸為學者零陵簿稱二人乃范純仁客而流人鄒浩所請託也蔡京素惡安國與已異得簿言大喜命湖南提刑置獄推治又移湖北再鞠卒無驗而安國竟除名

明

陳鞠號禮軒性慈善多隱德見饑寒者衣食之不問其姓名工詞賦不求仕以高尚終身縣令傅應禎慕其清節請授以冠帶力辭之乃遺以金帛題其門曰瀟湘逸翁一日聚家人於庭書聯語示之曰恪守良規遵祖考要留好樣與兒孫書畢端坐而逝

康保民字牧伯號鑿公庠生風裁嚴正與人交不二善舉子業教授後學孜孜不倦世亂隱林澤間游陟南嶽及粵西諸山歸則構一茆閣日課僮種名花蒔嘉茗山蔬時果客至卽款留貌清癯若僧而足跡不入城市惟故人家則留數日不厭有古隱君子風焉

楊四箴字克之蔣中陽子也幼穎悟舅氏楊某愛之撫爲子遂冒其姓箴負大志善舉子業世亂棄諸生遊跡簡出與陳三績相友寄意詩酒以抒埤鬱及陳歿而四箴獨雅望巋然見後進穎異者與爲忘年交其天性和粹如此年六十九卒

胡文隆有隱德淹貫經史才華爲士林所推屢辟不就隱居湘濱日訓諸子不問生業世味泊如而樂善好施有古零陵縣志

卷九

人物

隱逸

七

人風

國朝

李長芬字元夫庠生事繼母涂氏有孝行性沈靜與人交坦然無城府遇佳山水流連忘返隱居澹巖室如懸磬而誦吟之聲固琅然出戶外也著澹山集藏於家

睦炯曉字旣白庠生警敏善屬文年十六補弟子員博涉羣書負大志屢秋闈不中乃退居山莊朝夕課子四十年跡不履公庭鄉里重其品行

蔣見龍字在田監生嗜畫遇古今名筆必購藏之費巨貲不悅家以此日貧晚年令諸子孫別處僅留一人供指使居常圖續四壁相對怡然雖窮匱不介意也一日忽取鞠數種時庭前榜曰鞠園識者曰公其休矣鞠者窮也花事

之窮而終也公其以十月逝乎是歲果歿壽七十六
王國舉邑城人由拔貢司學瀏陽以憂歸遂不復出有二
弟林泉清邃白首相偕見者欣羨之性矜重恥干謁徐嘉
瑞者於國舉爲選貢同年官知府來永過謁之國舉僅一
報禮欲再見卽不獲也其高致可想見

零陵縣志

卷九

人物

隱逸

美

方伎

國朝

陳賢安蘇蘭人精於醫每日鷄鳴延者闐戶賢安卽按路遠近以次往治之既周而返貧乏者並予以藥不取錢尤精診小兒因其生而以父事之者凡數十輩子宏賓克承其業

零陵縣志

卷九 人物

方伎

七

仙釋

秦

周正實始皇時人遯居澹山巖凡一切成敗未來之數皆能先知之始皇三召不起後尸解

唐

僧懷素字藏真零陵錢氏子嘗睹二王真蹟及二張草書學之性疏放不拘每飲酒以養性草書以暢志酒酣興發遇寺壁里牆衣帶器皿靡不書之貧無紙嘗於故里種芭蕉萬餘株以供揮灑名其庵曰綠天如是者數十年退筆無算乃瘞之鎮以塔爲筆塚傍有小石池洗研水常黑爲墨池又漆一盤一板久之盤板皆穿懷素伯祖惠融禪師亦學歐陽詢書故鄉中呼爲大錢師小錢師焉後遊申州

零陵縣志

卷九

人物

仙釋

表

遇顏尚書真卿名遂震京師懷素嘗曰學無師授如不由戶而出乃師金吾兵曹錢塘鄔彤授其筆法至中夕彤謂懷素曰草書古勢多矣惟太宗以獻之如凌冬枯樹寒寂勁硬不置枝葉張長史亦謂彤曰孤蓬自振驚沙坐飛余師所爲故得奇怪凡草聖盡於此懷素不復應對但連呼數十聲曰得之矣經歲餘辭去彤曰萬里之別無以爲贈吾有一寶割而相與先時人傳彤有右軍惡溪小王騷勞三帖懷素疑以此見與及臨路彤乃曰草書豎牽似古釵腳勉旃至晚歲顏太師以懷素爲同學鄔兵曹弟子問曰夫草書於師授之外須自得之張長史觀孤蓬驚沙之外見公孫大娘舞劍器始得低昂迴翔之狀未知鄔兵曹有之乎懷素對曰似古釵腳爲草書豎牽之極真卿微笑經

歲月不言懷素又辭去真卿曰師豎牽學古釵腳何如屋
漏痕懷素抱顏公足唱賊賊久之真卿徐問曰師亦有自
得乎對曰夏雲多奇峯夏雲因風變化初無常勢又遇壁
折之路一一自然顏公曰噫草聖之淵妙代不絕人可謂
聞所未聞矣有自序藏真律公于文諸帖傳世藏真帖
真生於零陵晚游中州所恨不與張顛長史相識近於
洛下偶逢顏尚書真卿自云傳長史筆法聞斯語若有
所得也律公帖貧道頻患腳氣異常憂悶也常服
三黃湯諸風疾兼心中常如刀刺乃可方數數服之不
然客舍非常之憂耳律公能相步求貧道顛草斯乃好
事也率復不盡垂愛沙門懷素白又律公好事者前
後數度遂口口懷素小典也可深藏之篋筒也宋牧
仲懷素小草于文跋云永州龍興寺乃吳軍司馬蒙之
故宅素師漫井得軍司馬印每作書用以爲誌

日昭邑蔣氏子究觀祕義修明要奧初居邑龍興寺肅宗
制天下名山置大德七人南嶽尤重日晤推擇居首卽般
零陵縣志 卷九 人物 仙釋 堯

舟和尚也柳宗元讓般舟和尚第二碑

重巽龍興寺僧其人能清修淨持柳宗元讓送上人赴中
丞叔父召序

乾康唐末時僧以詩爲齊已所稱至乾德中猶存王仲知
永州康奉詩見伸觀其老醜曰豈有狀貌如此能爲詩乎
時積雪方消命康咏之康賦云六出奇花已住開郡城相
次見樓臺時人莫把和泥看一片飛從天上來伸驚異待
以殊禮詩話

何仙姑零陵人也住紅玉洞雲母溪年十四五夢神人教
食雲母粉可得輕身不死又遇異人與桃食之誓不嫁常
往來山頂其行如飛每朝去暮則持山果歸遺其母後遂
辟穀語言異常武后遣使召赴中途失之後隱於永州潭

州士人夏鈞罷官過永謁仙姑問曰世人多言呂先生今
安在姑笑曰今日在潭州興化寺設齋後鈞到潭州取興
化寺齋歷視之其曰果有華州回客設供景龍中白日昇
仙天寶九年都虛觀會鄉人齋有五色雲起於麻姑仙壇
眾皆見之有仙子縹渺而出道士蔡天一識其爲何仙姑
大曆中又現身於小石樓峯刺史上其事於朝別作零陵市人
何冲涓永州人嘗游廬山得辟穀之術歸隱九疑何侯仙
室老而顏壯齒堅常如三四十許人

安禪師太平寺僧也上堂云有利無利莫離行市鎮州蘿
蔔極賤廬陵米價甚貴爭似太平這裏時豐進泰商賈駢
闐白米四文一升蘿蔔一文一束不用北頭買賤西頭賣
貴自然物及四生自然利資王化又怎生說箇佛道理良
零陵縣志 卷九 人物 仙釋 平

元云勸君不用鑄頑石路上行人口似碑見傳燈錄

王真人德安人修煉於零陵之陽和山元初賜觀額爲萬
壽宮封懿德真人徵入朝遂不復返

明

蔣鑿號湘崖正德癸酉舉人出宰扶溝以清潔著嘗遇異
人授以奇術棄家結廬山中曰寄寄巢修煉數年遂遍遊
名山多在天台雁宕間山陰徐淮文長兄也師事之文長
曾紀以詩鑿歸貧甚常不舉火妻偕隱亦安貧不厭除夕
不能具朝餽笑謂先生曰歲已暮矣何以度之不應作詩
自吟曰柴米油鹽漿醋茶七般俱在別人家惟有老夫無
計策開窗獨坐看梅花遂假寐出神語王孫菊坡以窘故

王孫備物送之方及門而先生寤其奇幻多如此越數十
年而死死之日道逢鄉人授以鑰寄其家家人駭之舉其
棺輕甚蓋尸解云後數年又有人遇之於蜀峨眉山中先
生著有證道歌及湘崖文集傳於世徐渭文長詩並序
鵬之遐翮秉龍蛇之屈伸嘗欲頂摩青天手弄白日不
著上下以栖渾元昔出宰扶溝晚節薄游四方挂冠拂
衣如漚在海渭伯兄淮恬澹厭俗弱齡訪道垂五十春
遭先生溯舟而先生鴻跡遠曠再渡錢塘期許後來意得
揚彌月既而先生鴻跡遠曠再渡錢塘期許後來意得
執鞭長侍豈謂未更寒暄伯已化為異物金丹未成玉
顏何駐渭每念此輒為寒心頃者又將游湘江並九嶷
直指芝田家門一入死者已矣生人去焉異日吸沆瀣
之精景陟壺嶠之福庭飛九還之丹火騎八極之游氣
則天凡殊途相見無由緬懷伯氏重以離衷因獻五言
○伯氏頗好道終歲事修服道上逢異人髭鬚灑林竹
修禮重致問德音美如玉扣之轉微茫蠅螟游廣漠冀
得長奉侍雙飛向王屋人命安可期天猶互寒燠念別
正徂暑墓草已更綠灑灑田中霜亭亭風際木逢師苦
不早煉攝
總成哭

零陵縣志

卷九

人物

仙釋

全

明

秀峰禪師新田縣東山鄭氏子也母李嘗行道遇仙指池
中蓮華曰是即汝子也遂感蓮氣芳馨竟體乃有孕凡十
八月而生秀峰甫能食即不茹葷既長娶婦避不同寢久
之乃至零陵陽明山謁明性僧祝髮為弟子時年方十三
也廣東曹溪六祖者得宗門正傳秀峰夙心嚮之居陽明
四年躬往曹溪從其徒裔受宗旨凡三年竟得道要於是
復歸陽明居久之曰擊鼓升座與眾說偈畢復入室閉
門且謂眾曰吾將於此中坐化矣俟三年乃啟門及期眾
入視髮爪加長狀貌如生眾嘆異之時嘉靖三十一年其
死時蓋年三十九也先是明藩南渭王孫菊坡邑人蔣湘
崖俱好道與秀峰友及是二人至見其狀禮拜之且崇其

號曰七祖蓋以配六祖也額庵曰萬壽寺秀峰軀幹偉秀警穎絕倫奇幻多道術方家居時其母妻嘗殺一鷄迫與食之意欲破其素戒適外弟至與食一距秀峰既食乃出至大江洞咯吐之雞活如故但缺一足耳隨躍入家其他事多類此今肉身存庵中歲時祀禱不絕

國朝

竹浪邑王氏子出家紫雲寺康熙中至湘潭愛錦鼇峯踞坐其嶺七日夜會大雪深七八尺許有兩虎從雪中出里人駭異建定海寺居之天旱禱雨能預定雨至時日皆奇驗乾隆四年五月某日忽約其友鄭生至曰今吾圓寂期曾約瀉僧爲吾舉火僧明日始到不及待倘舌本不化幸語無苦燒也瀉僧至果如所言建塔峯左自銘其額里人

零陵縣志

卷九

人物

仙釋

全

肖像於昌福寺遇旱禱之輒應

湘潭縣志

永州和尚不知其姓長七尺餘少隨其父別駕某官蜀中好擊劍任俠嘗爲人報仇匿跡塞上挽鐵弩射生番邊帥欲予以官不受能徒手搏虎松潘山中爲受害者殺幾盡一日殺虎嗅刀頭血有悟詣峩眉山伏虎寺落髮爲僧然恆不樂居聞峩眉絕頂石頭陀年百歲跌坐懸巖中因跣足詣之頭陀笑曰若來邪此山非若安身處東走四千里遇馬祖卽住爲苦行僧可矣師未讀經錄不知馬祖爲何如人以頭陀言卽縛行帑東下瞿塘穿九谿歷洞庭瀟湘一日至武功山問同寓人馬祖居何處人曰豫章省城北門外七里街有藥師院咸稱馬祖道場豈其是邪師至藥師院見法象傾圮破殿半間恍然曰是欲我作苦行僧新此

道場也闕院前荒田三十餘畝積歲所入爲修葺資二十餘年成巨刹湘潭張九鉞官南昌日夜檣舟江岸聞踏水車人歌鏗鏘可聽問之曰此永州老和尚自作太平車水歌七言詩也入院訪之年八十餘贈以詩有曰參來猛虎刀頭血飛下峩眉雪頂身今日簸箕相對坐草書如斗尙驚人簸箕用馬祖偈中語也或曰師有異術能驅虎豹役鬼神以鉢汲水咒龍立退七里街居人有病者以手按其頂卽愈云

張九鉞撰傳

僧聖誠號粹然邑人幼祝髮綠天庵清悴能持戒律慕懷素之爲人曰習其書資性聰慧於琴畫皆有通曉王宸守永見其畫賞之出所藏諸名蹟與觀而授以筆法宸固有畫名蓋斐然繼起於四王之後者也聖誠旣得其師授其

零陵縣志

卷九

人物

仙釋

三

畫益工嘗出游盡歷東南名勝至虎邱居久之當時名公巨卿皆與交而求書畫者亦無虛日聖誠出嘗以一琴自隨遇佳山水輒一再彈弄以寫其幽曠又有所遇得其指授故益精於琴服一衲寒暑不易亦不澣濯蓋深於道行者凡出游三十八年比歸年七十矣猶清強如少壯道光二十二年卒夫僧流鮮以書名者自懷素而後當推聖誠今綠天庵石崖所鐫與錢學使澧聯句並息景巖石刻皆有龍蛇盤拏之狀可寶貴也聖誠又善詩有傳稿咸豐間以兵亂散佚今惟存與錢澧聯句數詩而已

蔣法旺水北路楠木冲人生於明季得正一真人法變幻無常初其村多泉苦潦用其術徙泉於半里外明季多旱年旺每入深巖叱睡龍起激水溉田由是多踵門延請後

觸龍怒水驟湧數丈溺馬里人感其德祀之
諸朝選號聘吾福田鄉馬鞍嶺人母樵採天仙庵側生朝
選比長遂奉佛絕葷酒以家貧習木工陽明山禪院火朝
選爲重修之旣成不取傭值年八十餘猶聰強一日具衣
冠訣族父老徑詣天仙庵跏佛座前其子孫隨其後謂曰
我與佛有緣從此去矣爾輩力行善可也語畢含笑而卒
靜修上人祁陽李氏子幼祝髮於本邑崇佛庵閉門三載
戒行精嚴旣乃出行至南海普陀峨眉及九華五台諸山
久之因亂歸居城東息景巖知縣胡廷槐契之令住持高
山寺自此仍閉門習靜如崇佛庵時不復遠遊矣高山寺
者故唐法華寺遺址也靜修入居時殿宇荒涼居僧不數
人率饑凍難自給靜修乃爲諸檀越傭誦經以其所得贍

零陵縣志

卷九

人物

仙釋

六

衣食又堅忍能勞苦昕夕誦經書則率其徒負石土力作
山故斜衍寺以外無平地至是擴舊基約十之五六併建
兩廊僧舍裝飾神像煥然稱巨觀靜修少略識字於文字
未嘗通曉至老忽爲詩往往有見道語如虎過林猶靜龍
迴海不波蓋其卓卓者同治壬申七月跌坐說偈而逝其
徒建塔竹林寺側邑人言靜修歿時方盛暑越五日顏色
不少變手足溫軟猶能屈伸云

僧淡然幼聰穎博通經懺能詩書法亦工與劉雲莊昆季
爲文字交其母張氏老無依淡然迎養之多方承順母百
歲乃卒

僧廣松邑劉氏子狀魁梧性泊然喜長齋家貧初爲小貿
繼隸伍籍充馬兵以妻有邪行憤甚遂祝髮於西河彌陀

庵時年三十間龍王廟僧印川有戒行拜師之後屢出游
南海晚歸駐江西會館昕夕課誦戒律精嚴一日忽謂其
徒曰吾於某日時當死毋葬我爲建塔貯其尸可也及期
果卒年八十七